

7c. 24,217/A


F. III

17/8


£1.18.0

by 1-











# HYMNUŒ DE FEBRIBUS

---

Scriptus ab

EDMUNDO GAYTONO,

Bacc. in Med. Oxon. Academiæ  
S. Joan. Bapt.

---



---

LONDINI,

Imprimitur à Thomà Warreno propter  
usum Reipublicæ Medicæ & Authoris.


1655.




HYMNUS  
DE  
FEBRIBUS

Scriptus

EDMUNDO GAYTONO



Pro. in Med. Oxon. Acad.  
S. John. Bapt.



LONDINI

Imprimatur à Thoma Watreno propter  
Urban Republic Medicæ & Authoris.





Honoratissimo Domino

GULIELMO

Marchione de

HARTFORD,

Academiae Oxon. olim Cancellario & suo.

---

*Fortis & Inclyte,*



Ndulgentiam vestram si antea  
non expertus fuisset, de  
veniâ desperandum esset, ut  
manibus Dignissimis pro-  
perari auderet opus *Shaccia-*  
*tum*, & *Tessulatum*, carminibus & prolâ  
miserè mixtum intertextum, & variegatum.  
Sed ut *Josephi vestis*, sic charta discolor,  
scio, non Tibi displicebit. Pudu it sanè me

A 2

non

*Epistola Dedicatoria.*

non ante hæc tempora scripsisse quicquam oculis, & Animo Consummatissimi Herois dignum, quanquam & non dedignatus fueris accipere ridendas nostras de Hispano milite Errante nœnias & nugas. Verùm à quo Orationem *vestram* Celeberrimam, & stylo & elocutionis gravitate insignem in Convocationis domo prolatam audiverim, eo ipso *vestro* Die, quo Patronatum Musarum, & Cancellariatus impares titulos, Cathedrâ quidèm, & purpurâ, tùm Ancillari, tùm maternâ illustris, sed virtutibus & titulis propriis illustrior recipere, & recipiendo attollere dignatus fueris, in Animo, & Instituti longi fuit aliquid saltem Alumno, saltem servo & Bedello tanti Cancellarii idoneum, & non ineptum Compingere. Et Spero, *Diis similime Domine*, etiam sicut ipse Deus facit, te quoq; Animum & voluntatem pro operibus accepturum. Fretus ergò Humanitate, & Comitæte notissimâ, *Hymnum hunc medicum de Febris*, (quate-  
nus



*Epistola Dedicatoria.*

nus ad ipsos, qui extra versus sunt, morbos,  
ne tangerent (quatenus ad morbos & crimi-  
na, quæ in ipsis versibus sunt, ut tangeren-  
tur, ut manibus Regalibus tacta sanaren-  
tur) humillimè consecravi & dedicavi. Au-  
spiciis vestris, & *Medica Clientela* donatus  
*Hymnus*, forsitan non profanus, non saltem  
vanus audiet. Legetur forsitan lectus prius ab  
*Apolline Musarum*, protegetur à *Marchione*.  
Quid dubitem de *Patrono*, in quo utraq;  
*Minerva* feliciter Conjungitur, sive *Galeata*  
sit, seu *Togata*? Aures dignissimæ ne am-  
plius vapulent stridore *noctua* (sed *Athena-  
rum* vestrarum) se suasq; noctes, & lucubra-  
tiones non *Atticas*, nec *Asiaticas*, sed *Errati-  
cas*, *Protectioni*, & *Patronatui* vestro submittit,

*Heros Nobilissime,*

Serviens ad Medicinam,  
& servus vester.

*Edmundus Gaytonus.*



Lectoribus, clarissimis Medicis salutem.

**S**alutem, Benevoli, plusquam Opusculum  
pondet, optat vobis Autor, non enim in  
hoc Hymno, & Cantico Medicinae. Ex-  
cantare morbos Animi est, & Philtra, &  
Carmina pro Remediis componere. Nec quidquam  
nova Artis doceo, nec haecenus traditis addo. B co-  
num non hic legetis, & novi Organi Instauratorem,  
nec vobis Atlantidem, & inventa Aurea propono:  
Sed ne homo insanire videatur (id est otio torpescere)  
versus facit, & Medicinam, sicut Ingeniosissimus,  
& Poeticae Artis refertissimus Nalo olim Leges  
Romanas & Fastos) in pedes, & Numeros (vesti-  
giis longè sequentibus) coegit. Quare de Febris  
scripsi, quaritis? in Tempora Febricitantia incidi,  
& heu vereor, ne Sequens ver laboret plusquam  
Quartana! Cur placet Rithmicus stylus potius,  
quam solutus, si Rogatis? Respondeo,

---- Ridenda Poemata mallem,

Quam te conspicuae divina Philippica Famæ.  
Satyram non scribere difficile est; & Animus me-  
us jamdudum proscripturiit.

--- nec me Juvenalem constat haberi.

Si demum interrogabitis, cur tantum de Febris  
cecini, Fatebor ingenuè, si supellectilem Librariam  
vidissetis, satis hoc operis opinaremini. Duos enim  
celeberrimos Autores mecum rusticanus habui, Alte-

rum




rum Riverium Medicum Doctissimum, parentem & Professore[m] Artis salutiferae, Nominis aeterni. Alterum Smetium, sed Nominum plurimum. Prior Praxi & Consiliis Medicinae, & quantitati dosium familiaris, & felicissimus: Posterior quantitati Syllabarum mihi commodissimus. Cetera auxilia Scholastica (sicut Ager, & Fundus meus non est) sunt in Capue? Surrepta sunt Reliqua, manet occiput cuius Beneficio (ut memoriae sedis) Lectiones Domini Scarboræi Anatomicas, Anglici Riolani, Teneo, Teneo quid docuit Magister defunctus (si possit mori à circulo Sanguinis, ad circulum æternitatis transmissus Harveius) Consilia etiam, & documenta aliorum Medicorum Capio, quos sequens Hymnus, non ad justum meritorum, & laudum suarum fastigium attollit. Satis suis nominibus, & Fama claris viris non opus erit præconio, & Nomenclatione indigna & impare. Dedecoravit Principem Henricum Anniversario Concionator inelegans. Sic contigit mihi, Domini Celeberrimi, dum aliquid vellem vestris nominibus tribuere, attentando, & recitando perdidi, & miseras has chartas, quas nemo Autore magis damnat, & vituperat, Ergo Censuram iniquiorem non Timeo, Legite, & Carpite

Volenti, & ἀποκατακρίσ non fit injuria  
servo vestro

Edmundo Gaytono.







## In Hymnum de Febris Edmundi Gaytonii sui.

**D**Elphica sic tremulos promunt Oracula Cantus,  
Atq; Deus numeris forsitan Aius ait.  
Indulget fidibus Medica consultus Apollo,  
Idem utriusq; Auter dirigit Artis opus.  
Edocuitq; herbas Magnus praeceptor Achillem,  
Emeritum postquam conticuisset ebur.  
Quid quòd enim blando pulsata Tarantula cantu,  
Amittit vires mox furibunda suas:  
Quòd Saulem stimulis l'cet infernalibus actum,  
Jessiada mitem Barbitos iēta dedit.  
Quin Artes, Medae, tuae sine Carmine frigent,  
Languet Pluma, strygis, trux Aconiton hebet.  
Attamen experrecta olim sopita viget vis,  
Carmine quam magico sollicitavit Anus.  
Nam tu Gaytoni, quam suspiciende Camenā,  
Tāms spectande Venis Arte Machaoniā  
Mitte proinde, salerna, Diata tradere Normani,  
O Schola, discipulis olim animosa Tuis:  
Cedite Pergamei scriptores, Cedite Cōi,  
\*Majus quid praelum hoc parturit Hippocrate.

\* Nollem hoc scriptum mi Bonhame. Lipsius de Tacito ubi aliquid iniquius de numinibus scripserat, Histor. l. i.

Bonhamus Tribunus Militiae Cantiorum.

Accul. t.



**A** Trulit è cælis quæ Gaytoncius, Alba  
Anglorum fundit Carmina Salvificâ.  
Protrahat ut plures agris mortalibus annos  
Depellit mortem longius Arte meâ.

S. S. T. Th. D. O.

---

*Amico suo Edmundo Gayton. M. B.*

*invalens, gloriprimus.*

**S**I tibi quis vitio vertat, grassentur in orbem  
Quùm morbi, edocuas solito velocius ire,  
Maacte esto tamen, & cum tu qui Febribus ipsis  
Ipse pedes dederis, medicina des quoq; eosdem.  
Ut quibus occurrunt morbi, medicina parata  
Sucurrat præstò, male sanus quæ ferat agrè.  
Sicq; pedes reddat labentibus Ars Tua firmos,  
Filius ut bino vociteris nomine Phœbi.

Lyonellus Gatford. S. T. B. C.



*In Hymnum de Febris a Gaytono  
meo Scriptum.*

**G**Aleni qui scripta legis tot dissita libris,  
Effata & Coi Suspicienda Senis.  
Cujus pauca arctant sensus tibi verba profundos,  
Dum vitæ longæ Consulit Arte brevi:  
Hunc lege, qui binas sociavit Apollinis artes,  
(Quem novit Carmen, quem Medicina Deum)  
Cantando videas pulsas de Corpore Febres,  
Verbaq; sacra, ubi non profuit Herba, valent.  
Abjice, quæ vetula suspendunt Carmina Collo,  
Quemq; simi gestes hic tibi morbus erit.  
Jam minus arridet scio \*Gattinaria, Gayton,  
Datq; probata æquè, sed placitura magis.

Consilia quædam Medica  
vid. Heur. de Arte  
Med.

G. G. S. Th. E. O.



*Odyssæon in Hymnum de Febris.*

**A**Rs Medica à Febri jacuit correpta, carebat  
Ipsa salute salus, & medico medicus:  
Horrebant animis Podalyrius, atq; Machaon,  
Ignari, horror quid corporis iste foret  
Non sunt ulterius medicorum opprobria Febres,  
Gaitono medicas nunc adhibente manus.  
Jam medicina valet, medici vos pendite læsa,  
Jam valeat Febris, Lector & ipse vale.

Franciscus Astonus Schola  
Westmonasteriensis alumnus.

---

*Amicissimo suo E. G. M. B. in  
Hymnum de Febris.*

**J**Am cedat Thorius (paulò majora canamus)  
Ille quod instituit vendere, Fumus erat.  
Tu, quod non Fundus, non eris acervus & Auri,  
Nec speciosa Domus perficit, Ipse facis:  
Scilicet agroto depellis corpore Febres,  
Et sanum, lectis versibus, esse jubes.  
Insanos olim Veteres dixere Poetas:  
Sed Tu, Gaitoni, Carmina Sana facis.

Non nigro Carbone notandus.



*Ad clarissimum juxta, ac Poeticum  
Amicum, E. G. in librum, cui inscri-  
bitur, Hymnus de Febris.*

*Igne Miser crucior; sed non jam sentio flammam,  
(Turba Poetarum hec cetera) Phœbe tuas.  
Igne calet pectus meliorq; scilicet ipsam  
Nunc habeo (Librum dum lego, Amice) Febrem.  
Nec tamen est medico mihi opus, qui Pharmaca scribat;  
Sola mihi Carmen nam medicina tuum est.  
Tu tribus Antyciris caput insanabile curas  
Carminibus: caveas, ne videre Magus.  
Te vatem, & medicum, lauroq; saluteq; dignum  
Arbitror; unam omnes dant, aliam opto, tibi.*

Philogeiton Osbolton.



## In Hymnum de Febris Carmen Sa- lernitanum.

Cum vid. Edmondum, de Febris antea nondum  
Auditum, in Cantu, Scripsisse; Salernitans an Tu?  
Vel Rithmos \* Samos facis, ut canit Ignoramus,  
Cum Dominam Blandam tentabat rem dare quandam?  
Hoc dixi vanè, sed mentis jam magè sane  
Te scripsisse bonis (non attamen usq; \* Nasonis  
Carminibus dignis) In-Nasus sit tibi, Signis  
Quamvis Romanus, persensimus, atq; probamus.  
Fac scribas tutè, pereas ne forte Nasute,  
Ut periit frater, qui & versu, & febre Crematur,  
Binis plethoris pessundatus, artis, amoris.  
Ne malè Contingat, dum saltem sic tibi Fingat,  
Versibus ob Fatum sit, docti cuiq; probatum.

Robertus Thomsonus.

\* Samos--pro (eisdem) verbum Teutonicum, in paucis, vel  
nullis Grammaticis inveniendum, nisi Ignoramicà, vel  
Coriaticà. Exemplum capi ab antiquo autore apud Cant.

Habebis singula Brava.

\* Nasonis--Hic Fateor, brevior est, quam versui congruit  
Nasus---sic Paulò post nasutus.

---



## In Hymnum de Febris Carmen Hoskinskianum.

**V**ixisset utinam Owenus !  
Vel Hoskinsius, rithmi Plenus  
Thoma Coriati :  
Huc calamos tulissent leves,  
(Pedes longos, sive Breves)  
De te parum fatis.  
Ha perierunt longum Avena  
(Calamitosa sunt Camæna)  
Unde Fit, Hirundo.  
Et Totum Syn- & -Occiput  
Hos versus inficetos, ut  
Præferrem ipse Tundo.  
Sed Quid is Salernitanus  
Vir procax satis, sed & vanus  
Te Commemoravit ?  
Dulmanior quàm Dulmannus  
In versa povere, tanquàm pannus,  
Tibi, putas, Favit.  
At versificator, Ego,  
Diatam talem tibi Nego,  
Nôsti satis escam,  
Ne quæso viris capiare,  
Qui stultie solent sic profari,  
Gigne aliam Deskama.  
Sed Dùm Tu Febris Mederis,  
Es Doctor meus, & sic eris ;  
Sed Favore Tuo,  
Si Libro tantùm verba dabis,  
Et nos (ut mos) Ludificabis,  
Posthac sumus Duo.

Thomas Swallow.



Handwritten text at the top of the page, possibly a title or header.

Handwritten text in the upper middle section of the page.

Handwritten text in the middle section of the page.

Handwritten text in the lower middle section of the page.

Handwritten text in the lower section of the page.


Handwritten text in the lower section of the page.

Handwritten text in the lower section of the page.

Handwritten text in the lower section of the page.

Vertical text on the right edge of the page, likely from the adjacent page.





## De Ephemera.

**M**otibus externis, vel Mentis *Ephemera* facta,  
 Cū n̄ poris clausis prenditur ipse calor.  
 Cū n̄ nihil excretum, cū n̄ transpiratio nulla,  
 Incendant fragiles fumina capta domos.  
 Atq; *Ceres*, nimiusq; nocet *Semeleius* \* infans,  
 Filius & Terræ *Sal*, & *Alumen* obest.

\* *Bacchus.*

### Signa Ephemera.

Signa sui Pulsus magni sq; celerq;, frequensq;,  
*Systole* magna, calor, *Cyncipitisq;* Dolor.  
 Non multū n̄ *Urina*, nil monstrat, prospiciendum,  
 Sit nisi cruda parū n̄, Nausea certa premit.

### Remedia.

Sumantur cum fontis *Aquā Limonia*, quæq;  
 Frigore nativo nobilis herba iuvat.  
 Solvetur placido Sudore reconditus Ignis,  
 Et prodest calidis abstinuisse locis.  
 Passio si morbum creat ulla, Famesve, Dapesve,  
 Suavis ab opposito fiat *Medicina* suo.  
 Et prodesse potes, si causa, *Catharmate*, detur,  
 Fortè aliter vomitus, Forsan *Enema* iuвет.



## De Syncho Febre.

Non exhalatâ longè *Fuligine Sanguis*  
Quando torretur, Synocha Febris adest.

## Signa.

Indicat hoc nobis *facies Rubicanda, Tumescens*  
*Vena, dolensq; caput, Mentis adempta quies.*  
Et citus, & plenus *pulsus, spiramina tarda,*  
Et motu nimium *Tempora læsa gravi.*  
Corporis & *Torpor,* tollensq; *Urina colorem*  
Plus solito, & semper par sibi Febre *calor.*

## Remedia.

*Sanguine* lustrandum, *Galeni* non tamen ampla  
Copia complacuit, Sæpe, paucinq; fluat.  
Sed Clystere prius recreetur corpus, & herbas  
Collige, quæ virtus frigida, laxa & inest.

## Notæ.

In Syncho Sanguinea, quia oritur ex prædominante,  
& putrescente in venis Sanguine, Galeno placuit Phlebotomia usq; ad Deliquium. Riverius, Doctissimus Medicus, aliiq; recentiores cursum moderatiorem sequuntur, quibus uberrima quidem Sanguinis missio, sed iterata melius arrisit. Tum Gallici tum Hispani Medici in verba Principis Medicorum jurati in sectione vena luxuriant plus nimis, at tantis viris nisi veniâ datâ non fas est displicere. Præsertim infantulo, & inchoaturo in Medicinâ, modestia convenit, non autoritas, & Dogma.

Rec. Julep. è decocto hordei, cichoreæ, acetosæ lactucæ addito Syrrupo Limonii. Satis Dosis est pro medico paterienda. Redeo ad pedes, ne in manu mea longius hæreatis, nam & in scribendo & medicando felicissimum arbitror, quod celerrimum.

De



## De Hectica Febre.

Non \* *divinare est nomen Componere?* juxta  
*Naturam morbi, Nomen, & igitur,* \* habes.  
 Febris (ut in testis cum sæpe incendia vastant,  
 Spes a continuo linq̃uitur igne minor)  
 Hectica, sic Fabricam cum invadit Corporis omnen,  
 Fortius oblongo in membra calore furit.  
*Sanguine* quæ accenso, rabidisve *humoribus* ardet,  
 Migrabit, foelix nobiliore situ.  
 Hectica, *Nesseo* quasi vestis tincta cruore,  
 Hæret, & Herculea est non removenda cute.  
 Est Morbi triplex gradus: Ignis in humida sensim  
 Involat, & rorem carpit, editq; parum.  
 Obsta Principiis, \* *Agitur res tum tua*, nam mox,  
 Pabula sufficient vix caro, vix & adeps.

\* *Ausonius* in  
 epigrammate  
 de *Meroe* anu  
 bibula.

\* Scil. in ha-  
 bitu corporis  
 pravo confi-  
 stens.

\* *Horatius.*

## Notæ.

*A Febris, quæ in Sanguine ab humoribus putridis generantur, minus periculum, quia medicaminibus facilius & promptior operatio, in mala mobilia quam quæ solidis partibus inhaerent. Nam fortissima corpora consumet, & inaniet Hectica chronicus & habitualis Morbus, Sanguinis in principio prædatrix. Secundus in carnem & Adipem, quas sensim lambit, ut ager. se febrile non sentit. Tertius est congressus pessimus unde morbo victoria est, cum Hectica in Membranosa, & Fibrosa Corporis partem furit, & incurabilis est.*

## Causæ Febris Hecticæ.

*Hujus & esse potest communis causa priorum, Sol, nimiusq; Labor Corporis atq; animi, Immodici fluxus, ubi venter Tormine nullo Solvitur, aut quando Sanguinis amne fluit.*



(4)

Singula non repeto, sed forsan *viscera læsa*;  
Et cor accendunt ulcera ab igne suo;  
Cum malè *Pulmoni, Jecorive* sit, inde *vapores*;  
Atq; à corrupâ parte maligna luës:  
Febre sed ardenti, quæ pabula cordis opima  
Devorat, à nocuo provenit igne malum.

Notæ.

Ephamera & Synochus neglecta desinit in Hecticam  
quæ tamen à parvis principiis, & causis externis oriri pos-  
sit, vel à Diarrhæâ, & Dysenterîâ corpore continuis fluxi-  
bus macerato. Item ab Inflammatione Hepatis, Pulmo-  
num, aut Diaphragmatis, Febres contagiosæ exoriantur,  
præsertim si aliqua pars Parenchymatis corrumpatur, &  
putrescat. Sed causa Principalis, & idiotica, est Febris  
Ardens, & pestilens, humidum Cordis celerrimè prada-  
tura.

Signa Febris Hecticæ.

Causæ Communes, sic & communia Signa,  
In primis gradibus par sibi Febris erit:  
Forfitan arescit plus Tactu Palma, calescit  
Ut solet, Urina non nimiusq; color.  
In fundo si Farra vides, oleumq; supernè,  
Dissolvi sensim corpora plus liquidò est.  
Si sub Ventrículo sentitur Pulsus, apertum est  
Signum, ne cures cætera, Febris adest.  
Si cava subducant sese inter lamina, Sphæras,  
Si Squalor facie, si macièsq; sedet.  
Hei Tibi, quod nullis dolor est medicabilis herbis!  
Namq; Marasmodem rara secuta salus

Notæ.

Si Farrinacea in Sedimento Urina sit, & oleosa Super-  
natent, colliquatio partium portenditur. Sed sub ventri-  
culis



culis Pulsus in omnibus Hæcticis, & emaciatissimis reperitur  
ut Criterion certissimum: Hæctica tertii gradus Maras-  
modes dicitur, ubi prævalente morbo ager ad Sceleti mi-  
serandam figuram redigitur & morti prodroma est, quæ  
quasi sedem sibi non ineptam paratura, in exueto, & exen-  
terato Corpore (carne & tegumentis omnibus spoliato) re-  
gnare, & dum ita vivitur, si vita sit dicenda, incipit &  
auspicatur; Sed--

Turpius ejicitur, quàm non admittitur hostis.

Natura ergò diluculo, & à Principiis, laboranti  
vel læsa leviter, succurrendum, ne vires eundo colligat  
ignis latens, sed serpens, & vix visibilis, ideoque plerumq;  
neglectus. Remediis igitur refrigerantibus & humectan-  
tibus utendum est-----dum vires atasq; fiunt.  
antequam adiposâ, & carnosâ substantiâ corporis à valen-  
tiore Febre invaditur.

### De Remediis.

Explorare prius, quàm tentes Pharmaca, debes,  
Febris an affligit Sola, Simulne venit  
An sociam junxit malè gratam Putrida, five  
Ex Inflammata parte, locove dolor.  
Pectora sunt Plures tunc admittentia curas,  
O Medici; & morbus postulat omnis opem.  
Atq; prior Febris tollenda Catharmate Putris,  
Aut rupto Humores inde \* Canale fluant;  
Hæctica si simplex, sit maxima cura Diætæ,  
Hos cupe, qui instaurant, quiq; foveantq; cibi.  
Et quibus est succus demulcens, plurimus & ros,  
Et minus Elixir carnibus assa juvant.  
Et Pisces profunt, tenerâ qui carne fruuntur,  
Nec frædis fluviis quiq; natare solent.  
Pelamis, & Gobius, Mullus, Soleaq; Pluentis  
Percaq; Deliciæ, cui quoq; nomen olet.  
Frustribus atq; insunt iua commoda, Pomâq; præstant,  
Et succo si qui frigidiore juvant.  
Et cum difficilis spiratio pectore fixa est,  
Uva sit Hispano Passa lavata mero.

\* Sanguinis.

Limaces



*Limaces* cocti, dum coctrix firma facultas,  
 Queisq; placet potius frigida cella, boni.  
 Frigida corporibus contusis Semina, & herbas  
 Misce, his cottidiè juscula cocta cape;  
 Frigida pro potu, vel quo sint *Hordea* mersa,  
 Saccharo, & immixto pane bibatur Aqua.  
*Gelatina* juvat, vituli de poplite cocto,  
 Et cape Caponem, cui removeretur adeps,  
*Juscula* sic fiant, cum sex Albumine *Ovorum*,  
 Sacchari & ad libram junge salubre crocum.  
 Excipe tum vasis, postquam colata fuerunt,  
 Et de concretis fume, diuq; cape.  
*Fridio* pro motu mollis, somnus medi-ocris,  
 Et *Venerem*, & fugias noxia vina velim.  
*Accedant* hilares agro super omnia vultus,  
 Qui turbant animum sint procul ira, dolor.  
*Alvus* resistit si pigrior, utere *malvis*,  
 Et quæ Clysterem *Cassia* melq; parant.  
 Cum medicina tibi vel quæ *Refrigeret*, aut quæ  
 Humectare potest, *Humida* tuta magis:  
 Frigida ne extinguant pereuntem forte calorem,  
 De *Sale* *prunella* junge scruposq; duos.  
*Lactis* (seu *vacca*, seu præbent ubera *Capra*,  
 Sive *Asina*) ægrois proderit omne genus.  
*Balnea* Decoctis, quæ facta salubriter, herbis,  
*Altheâ* & malvis, Sunt magè tuta *meris*.  
 Corpus inunge statim post *Balnea*, vel *violarum*,  
 Sive oleo, quod nux Thracica dulce facit.  
 Et sale quod nullo torretur, ut igne, *Butyro*,  
 Juscula caponum, cumq; quievit, edat.  
 Si fluat immodice, frænandus, ut assolet, *Alvus*,  
 In quo Lacte *Cbalybs* *Stiptica* cocta fuit:  
 Vel tu *Cydoneæ* conservas, sive *Rosarum*,  
 Lac & aquam fontis quàm bene mixta bibe.

## Notæ.

*Si complicata sit cum putridâ Febre Hæctica, vel alio morbo, attendendum utrisq; Purgatio instituenda est vel vena sectio, si causa detur, & agrum constet Sanguine abundare, & proprio fluxu non vexari.*

*In Hæctica simplici Humectantibus & Refrigerantibus præcipue opus est, ita ut refrigerantia non excedant, & impar sit medicaminibus calor natus.*

*Elix & Juscula magis tuta sunt Aſsis, quæ facillimè in choleram vertuntur: Inter Juscula, quæ de carnibus promptissima concoctionis fieri debent, scil. vitulo, Caponibus, vervecibus, Perdice & similibus) usurpanda & coquenda simul Semina frigida majora, etiam Borago, Portulaca, Acetosa, Endivia cum saccharo albo in aquâ Fontanâ & hordei creciq; aliquantulum cum succo limoniorum.*

*Valde salubres sunt Passula Dysphoniâ, quæ Hæctica familiaris est, laborantibus, & mersas vino generosiore multum prodesse conſcriptum, quanquam ad coercendam vim laxativam, quam habent, ablutas aquâ endivie, buglossi, & rosarum, & lenitèr coctas addito saccharo potiores esse censendas, & manè & post singulos pastus sumendas.*

*De limacibus à Doctore Philippo Parsons medico & in Medicina expertissimo & celebri Institutore nostro: Recepti in subterraneis locis degentes consumptis corporibus esse salubriores, & salsedine abstergenti præditos licet, tamen ad nutrimentum multum conferre.*

*Rec. Decocti pro Enemate 8 oun. Syrupi violarum 4 oun. meris Aquis id est frigidis; ut mos est calidioribus Regionibus, Tutiora sunt Balnea quæ fiunt herbis Refrigerantibus, & emollientibus simul decoctis.*

*In Fluxibus uſtatis & Hæctica frequentibus præter dictas Rosarum & Cydonearum cum lacte & aquâ fontanâ conservas, adjiciatur Saccharum, & ad saporem gratum efficiendum succus excellentissimus Aurungiorum.*



## De Febribus putridis continuis.

Ut gaudere potest, nato cui *Juno* favēbat,  
 Fortis & exulter sorte parente satus.  
 Naturæ pullus cum latæ nasceris *Albus*,  
 Incumbit, serves ut benè parva tibi;  
 Destruitur multò citius, quàm conditur, ædes,  
 Unius atq; horæ Crimen adultus homo.  
 Utq; opus annorum flammis incendia perdunt,  
 Sic ubi Dominus, Febre peribit Homo.  
 Dum focus assueto decoraverit igne *Caminum*,  
 Latus fumiferis ædibus Hospes adest :  
 Si conclave petit, lectosq; erraticus ignis,  
*Aeneia* fuge tūn, *Pergama* tota ruunt.  
 Si calor ingenitus præscripto fomite ludit,  
 Atq; in nativam non furit ignis *Aquam*,  
 Omnia succedunt placidè, ni devius Ignis,  
 Et malus, impuro *Corda* vapore premat.  
 Et facit ut justò plus ardet nobile membrum,  
 Et pro vivifico rore venena daret :  
 Uritur *Eucalegon* tūm totus, *Fonte* Caloris  
 Infecto à venis, vena *Cremata* luit.  
 Ut pice depastus tetrâ diuturnior Ignis,  
 Sic longam Febrem putridus humor alit:  
 Sed quando *Satyros* imitatur, sive *Capellas*,  
 Et calor *alternis Salibus* ire parat,  
 Tunc aliud Febri nomen, vicibusq; novatis,  
*Intermissivus* dicitur ille Calor.

## Divisio Febrium putridarum.

Qui vapor à venis viriosi sanguinis afflat,  
 Cor, est præcipuè febris habenda tibi,  
 Sed quæcunq; lues corrupto viscere manat,  
 Cumq; halitum spirant ulcera fœda suum.  
 Si mala *Pleura* vomat, seu *Pulmo* eructat iniquum,  
*Symptoma* est Febri, nomen & inde trahit.

Proteus

Proteus at quando morbus, variatq; figuras,  
 Et nunc *igne* furit, nunc *Achelous Aquâ*,  
 Tunc diverforum meritò ratione Dolorum, &  
 Temporis hinc *Desul-toria* Febris erit.  
 Quando *paroxysmis* cursus brevis accidit, & te  
*Cottidie* invadunt, *Cottidiana* cluit.  
 Sed si congressum suspendit subdolus ardor,  
 Pugnat & alternis, *Ternio* dictus erit.  
 Sed cum *cunctando terrenus destituit Rem*,  
 Mentitæq; viros enecat Arte fugæ,  
 Sive recursantem caprum, seu respice *Parthum*,  
 Certior à tergo *Quarta Sagitta* nocet.  
*Sanguinis urentis* prior Impetus, *Alter in Igne* est,  
 Sed *liquido à Barathro*, & *Sulphure quartus* adest.

#### Causæ variæ Putridarum Febrium.

*Constipata* cutis, crassoq; humore *Canalis*  
*Sanguinis* obstructus, cum remeare nequit  
*Transitus* occlusus, vel si via detur, eundo  
 Inficit, & fædo Corda vapore premit.  
 Aëre vel spurco, multoq; labore, ciboq;,  
*Proxima* de primâ hinc *causa Remota* datur.

#### Causæ Cotidianæ.

Ut cum limosâ tectus latet ignis in undâ,  
 Tunc in aquis, quamvis spernitur, æstus inest.  
 Hic, quia materies corrupta meabilis, ægro  
 Affert iste fluor *Cotidiana mala*.

#### Causæ Tertianæ.

Fit cum bile mala putrescit vena Cavata,  
 Nec benè digestus stagnat acetq; cruor.



## Causæ Quartanæ.

\* Vena.]

*Sanguinis* at quando *pars Crassior* accipit ignem,  
 Et lento repetit, grandius inde malum.  
*Hæret* quippe *cavâ*\* lento *Quartana* Calore,  
 Cui longas faciet *mens inamœna* moras.

## Signa Febris Putridæ.

Huic celer, & magnus *Pulsus*, Matulæq; peritus  
 Omnia *Cruda* videt, Tum *Calor Acris* adest,  
*Ventriculo Cholera* Demerso *Nausea* primum,  
 Mox *vomitibus*, index *linguaq; nigra* tibi.

## Signa Cotidianæ Febris.

*Urina* facies est *Turbida*, *Aquosaq; & Alba*,  
 Mox *Rubet*, & *pulsus tardior*, atq; minor.  
*Sudor* adest rarus, tenuis quoq; si *sitis ulla*,  
 Occupat hoc somnus, nec placet esse *Cibos*,  
 Cum non ejicitur detentus *torpidus humor*,  
 Occupat inclusus frigida membra vapor.

## Signa Tertianæ.

In *fundo sine face*, sed *Acrior*, & quasi flammæ  
 Est color *urina*, *Lingua sitimq;* notat:  
 Et citus est, *pulsusq; frequens*, calor *esuriensq;*  
 Et bilem stomachus bile refertus agit.  
 Quæ malè conclusa est *Mesaraeis* torrida *venis*,  
 Et *Furit*, ut non est q. à *Data* porta ruat.

## Signa Quartanæ.

Hic *Medius* bilem est inter calor, & pituitam,  
 Sævior *undosa*, *fervidiore* minor.  
 Sic *sitis* accedit, & plus minus *arida lingua*,  
 Languidior primò *pulsus eundo* valet:

Principio

Principio *Urina* est Tenuis, mox discolor, aret  
 Corpus, & est vultus Fusca Figura Tibi.  
 Frigida Temperies & sicca, & passibus æquis  
 Pergere non morbum *bilis adusta* finit :  
 Fitq; liene Tumor, si fluxu Sanguinis infrà  
 Fit via, salvificum ; sin minus, inde malum.

Signa Causæ, seu Febris Ardentis.

*Nomen ab igne* venit, torretur Corpus ab æstu,  
 Et calor admotâ non superandus aquâ.

Signa Elodis.

Febre madent liquidâ, metuant ægriq; resolvi,  
 Seu Marula exhausta an Corpora sudor habet.  
 Dividit officium *Cacodæmonis* utraq; *Febris*,  
 Illa *ignes* ægros inicit, Hæc in *aquas*.

Signa Febris Syncopalis.

*Syncope* de Medio tollit, mox deficit æger,  
 Naufragium patitur Phlegmate merfus homo.

Signa Epialæ.

Hoc velut *antiquum Chaos* est, *Humentia siccis*  
 Parte Unâ, & pugnant *Frigida cum Calidis*.  
*Ignem carere nives* rebar, sed *Phlegmate bilis*  
 Conspirat, varius nascitur unde dolor,  
 Pars calet humoris cùm n Putridi, & altera friget,  
 Nec *satis ad mortem bina venena* valent.  
 Par huic *Tartareus* benè gurgēs dicitur esse,  
 Qui sociat calido cum *Phlegetonte* gelu.



## Signa Febris Horrificæ.

*Horifica* major quamvis in nomine terror,  
 Non cholera affligit, non Pituita simul.  
 Sed *Causo* similis flagranti, Qualis *Elodes*  
 Terribiles præstat frigore, & igne vices.  
 Quid miseris fiet ? cum succedaneus hostis,  
 Tam telis gravibus dimicat Igne, & Aquâ.

## Signa Affodis.

*Affodes Causi* est ardentis dira propago,  
 Quæ de se stomachum provocat ire foras.  
 Ventriculoq; gravis, qui non par ferre dolorem,  
 Dispergit calidum corpus in omne malum.

## Signa Febris Colliquantis.

*Elodis* de stirpe satam Febrem esse *liquentem*  
*Guttatim*, & *sensim* membra soluta notant.  
 Instar *Fusoris* prædatur noxius Ignis,  
 Sed de marcenti *nulla metalla* cute.  
 Ni forsan *mortis* cudatur dira figura,  
 Et *navlus* fiat *Tabæ Charontis* homo.

## Notæ.

*Inclusa materia morbifica in venis* Mesaraicis, Cavâ, & Portâ (præsertim Tertianâ & Quartanâ *sevientibus*) varios dolores cordi infligit, at quò propinquior humoris maligni aditus, cò magis malè est cordi, & acerbationes vehementes, & paroxysmi periculosiores accidunt.

*Febres Symptomaticæ dicuntur, quæ fiunt à Pulmone, Hepate, Liene, Diaphragmate ulceratis, & vitiatis; Quæ Symptomata vel Febri accidunt vel superveniunt, & sapissime ipsâ Febre sunt graviora. Qualia sunt Dolores capitis, Vigiliæ, & Deliria, & Inflammationes in Pleuritide, Peripneumoniâ,*

ripneumoniâ, Hepatide, & Pthifi, quarum Putredine inflammata, & pure disperso, & per Communionem vasorum Cordi Communicato, varia Februm Continuarum genera oriuntur, nempe Causus, Colliquans, Horrificus, Affodens, Elodes &c.

Febres Intermittentes dicuntur, quæ variis Temporibus, nec constanter, & perpetuò agrum affligunt, & ob materiam morbificam vel expeditiores, vel tardiores (sed ideò acerbiores) à Bilis flavæ vel Atra prædominantis Copiâ, vel Pituita accensa velocitate Quotidiana, Tertianæ, & Quartanæ nominantur.

Si Sanguis potissimum accendatur, Sanguinea, si Bilis, Biliosa; si fœculentior & crassior pars Sanguinis inflammetur, Melancholica dicitur.

Notandum insuper est, Quod licet tota massa Sanguinis in venis uno nomine Sanguis appellari solet, Quatuor tamen Humorum mixtura & combinationes in eo flumine Feruntur. Pars magis Temperata Sanguis, Calidior Bilis, crudior, & frigidior Pituita, Fœculentior & Crassior Melancholia dicitur, & ex Putrefactis hisce, & prædominantibus humoribus species Februm continuarum nascuntur.

Ex causis etiam externis Febris Putrida plerumque accidere potest, videlicet aere astuoso, laboribus inediâ, nimio studio & passionibus animi acerbioribus, quæ magnam habent in spiritus vim: Sed à cacochymia Sanguine in venis Putrescente frequentius causatur: Illiusque causæ sunt ea omnia, quæ humores malos multiplicare assuescunt, præsertim Hepatis calida & sicca Temperies, alimenta calida, præcipue Corpora vino se indulgentia supra modum, magis obnoxia sunt; vinum enim spirituosum Sanguinem citissimè accendit & corrumpit.

Febris Cotidiana a Barbaris Latica Nominatur, quod ejus calor latens, & tectus videatur. Habens enim materiam Frigidam pro vehiculo, non adeo visibilia & aperta signa, sicut aliæ à bile Flavâ nata, proferre valet. Ergo exacerbationes cotidiè emittit, sed languidas, sed subito (nisi neglectæ fuerint) Remediis trivialibus cessuras.

Quartana quarto quovis die intenditur, & fit à Sanguine fœculentiore,



*Faculentiore, & crasso, rarissime in Galliâ contigit, ubi aeri, qui pro medico constante & presente est, tribuenda Febris non Residentia. In nostris verò, a sole remotioribus ditioribus, & hiemem sibi affinem & cognatam patientibus, plus quàm grata, familiaris est: non est nisi sexagenariis mortifera, & lethalis, attamen vestigia focalia imprimit, & quasi ad mortem ante discessum notat, & affectos designat: nam quos semel ceperit, praesertim tempore brumali, sicut est in quo scribitur, ut poëta, Poëtae verbis uti, fas sit.*

*Horatius.*

----tenet, occiditq; Morando.

### De Remediis in Febres Putridas.

Non temere tentanda *Triplex Medicina* priusquàm  
Cui mox obstandum, Cognita causa fuit.

### De Diætâ,

Et dabit auxilium, quæ læserit ante, *Diætâ*,  
Possibile est *Modicâ* vivere posse *Fame*.  
Materiam præbent generosa alimenta Dolori,  
Nec quantum injungit *Lescius* esse licet.  
*Vivitur Exiguo melius*, natura valescens  
Contenta est minimo, infirma minore parum.  
Et *Læx de minimis* curat *Galenica*, ne quid  
Admissa in se per- atula mortis habent.  
Nil *veniale* venit Medico, nisi plurima *Phæbas*,  
(Ægris mors duplex,) jam venialis erit.  
*Ven les Anima* quibus & *Lucina* negavit,  
Ut *Thalamos* ultra sit *Medicina* suos.  
*Fæmineo generi* tribuuntur? non, *Rapiuntur*  
*Propri quæ Maribus*, Frendit *Apollo* rapi:  
Indignatur anus miseras ambire fugacem,  
Iratulq; herbas Devovet ipse suas.  
Altera *Pandora* est *vetula* subi *magine* missa,  
*Urinale* tenens *Pyxidis* inq; loco.  
Hinc morbi morbis cumulantur, *Tresq; sorores*  
Quæ parcut nulli, sunt *anus*, atq; *Avia*:

In

In cædem numerus satis est, superestq; Dualis,  
 Si addideris *Parcis Tres furiasq; tribus* :  
*Colchide* quidni etiam *magicâ* didicere *magistrâ* :  
 Ut perdant pueros, ludificentq; fenes:  
*Putrida* quas capiat ; Dum te cibus *Hordea Munda*,  
 Vel *Panatellæ*, *Lymphaq;* potus alar:  
 Si dolor acris adest, frugalibus utere menſis,  
*Ptiſanam*, ſi ſis lautus, *utramq;* cape.

\* Scil. Medæa.

## Chirurgica, &amp; primò De venæ ſectiōe.

*Sanguis* quamprimùm mittendus, ut exeat humor,  
*Libera*, cum tundis, ſitq; dolore *Dies*.  
*Brachia dextra* placent pro venis, Proſcitur iſta  
*Baſilica*, haudq; reſert an *Mediana*, fiet.  
*Syncope* ſi affigit, prius haud eſt vena ſecunda,  
 Quàm *Clyſtere Alvi* dempta ſaburra fuit :  
 Non ad *Deliquium Priſcis* uſi *Moris* erat, ſed  
 Tutius eſt, *Sanguis* ſi repetitus ear.  
 Diſplicuit medicis ſed venæ ſectio paucis,  
 Quando *Ardens Febris*, *Ternio* quando premit.  
 Hocq; *Avicenna* docet, ne *Bilis Sanguine*, frano &  
*Cuſtode Amiſſo*, ferueat inde magis.  
 Antiqui *Salvo* ſemper *Doctōris honore*,  
 Plus eſt ægrotis, quàm decet, iſte metus.  
 Detumet, & languet diſfuſo *Sanguine Febris*,  
 Torrentis laxi *Robora* fracta cadunt.  
 Seriùs inventum eſt, (nec enim ſimul omnia nota)  
*Naturam Medico*, pluſq; cavere ſibi.  
 Si vires conſent, ſi *Sanguinis Impetus* iſto  
 Infectus tantùm prouet ire cruor.  
 Sicut in *Armentis*, *Cervus* ſibi proſpicit iſtus,  
 Conſcius illæto Deſeriturq; grege,  
 Portio ſic reſigit, quæ ſana eſt *Sanguinis*, & ſe  
 Provida ſubducit, dum *mala* miſſa foras.  
 Si *venere* à multâ, ſi *Febris* ab *Hercule* \* multo  
 Vena *Laboranti nocte*, dieq; nocet.

\* Labore.]

Parcius



Juventus.

\* Senibus.

Parcius iēta fluat, cum morbus & utraq; Bilis,  
 Cautè aperi venam, cum *Pituita*, Dolor.  
 Queis *Senium*, atq; *etas prohibent* \* humoribus apta,  
 Debetur *Pueris*, bisq; *ita*, cura gravis.  
 Si *vacuare* jubet, si *causa* Revellere, *Acutis*  
 Est iteranda statim sectio *Cauta malis*.  
 Ut veluti *Populo in magno* cum *sape Tumultus*  
 Ortus, & in *superos* Indiga Turba furit.  
 Pacandis furiis *bis*, *strictis* vix satis *ensis*,  
 Et *Themis* est *uno* non fatianda *nequam*.  
*Ductores* scelerum præcidit *justa securis*,  
 Seu plures *salubris Crux*, *laquensq;* capit.  
 Non *Animi*, non *ora* manent, Petiere latebras,  
 Atq; interruptus desinat esse furor.  
 Non ita *Divellens fac*, *Intervalla* placebunt,  
 Et poteris *venam* tutò *Aperire pedis*.  
 Sectio *per vires* si *intuta*; *Cucurbita* prodest,  
 Transmittatq; malum *Scarificata Cutis*.

## Pharmaceutica.

*Pharmaca* jam veniunt, quæq; *evacuare* probantur,  
 Quæ *mutare* solent, *Carmina* nostra dabunt.  
*Quatuor* *evacuant*. *Stomachus* queis *mundus* & *Alvus*,  
 Quæ per *vesicam*, rem faciuntq; *cutem*;  
 An purgare licet sit *Quæstio*? Pax erit & mox,  
 Si causam quamvis *evacuare* probes.  
 Cum *magnis venis* agitur res *Putrida*, ne sit:  
 Sed propter *stomachi* crimina *putris*, erit.  
*Cassia*, *Manna*, *Rosæ* *Sirrupus*, cum *Diapruno*  
*Elect*: & *Lenit-Catholicon* juvant.

## Vomitorici.

Sit *Medicina Sequax*, si *nausea* sæpius urget,  
 Aq; *Laboranti* tum *stomacho* fer opem.  
 Nam *vomit* præstat, quod non *Catharmata* possunt,  
*Auger* stabulum mundat ubiq; potens.

Herculeæ

Herculeæ vires insunt, facile egeret omne,  
*Intus & existens*, Oxymel atq; \* *Crocus*.

\* Sc. Metal-  
 lorum.

### Clysteres.

Per morbum totum *Clysteres* injiciendi,  
 Posscam malvis sæpe reclude Tuam.  
*At foro ut externo*, non est *Paanis in Aulâ*,  
*Festus* ubiq; dies *judicialis* \* erit.  
 Quando datur *Crisis*, *Deus Aegris otia fecit*,  
 Non sibi, nam corâ judice morbus adest.  
 Tradidit & *Fastos* quoscumq; volumine digno,  
 Doctus Apollineis *Heurnius* ipse sacris.

Dies criticus.

### Dieuretica.

Morbus ubi inclinat, *vesicam* ad vergere tendat,  
*Feniculo*, *Raphano* pergere faxo viam,  
 Et profunt foliis *Absynthia*, *Petroselinum*,  
*Julepi* hæc sapiant, juscula quæq; bibas.

### Diaphoretica.

Cum natura cutem versus protrudere morbum  
 Destinat, *exiles* tunc aperito *fores*.  
 Solvantur *Portæ*, *Tennis* nam Janua *Porus*,  
*Ostiolis* Corpus *Mellifluisq;* fluat.  
 Sed non præcipiti Flumen sudore feratur,  
*Cardui* amœnosè sed via fiat *Aquis*.

### De Febris Quotidianis.

Sicut *Aquæ potoribus* evenit, atq; *probatum*,  
 Ipsis & vires *Fontibus* esse suas,  
 Et gustus varios; nam Creditur *Hippocrene*  
 Præ cunctis lymphâ nobiliore frui.  
*Musarum latices*, versus scribuntur & unde,  
 Simplice nam constat non Furor ullus aquâ.

D

Saltem



Saltem *Quadrupedis* Generosos *ungula* fecit,  
*Sydere* vel *Phœbus* Fervidiore ferit.  
*Solis* ab influxu nam *Defacatior* unda,  
 Purgata & modico frigore splendet Aqua.  
 Corpore sic nostro, cum digerit omnia pulchrè  
*Sol*, calor *ingenitus*, Sanguificatq; jecur,  
 Sorte suâ Rubri torpens contenta *Canalis*  
 Ultra præscriptum non *Pituita* tumet.  
 Humores *Acidi* *salsiq;* : quibus quoq; *dulcis*  
 Est *sapor* immiscent se, mediumq; tenent :  
 Accidit ut bibulis tum sæpe *Gulonibus*, æquus  
 Obruitur pastis, forbilibusq; calor.  
 Et cutis injectis alimentis tensa laborat,  
 Mentiturq; *uterum* fœda *Saburra* gravem:  
*Mas* *Lucina* fave stomacho succurrito Pæan,  
 Ut Derivetur Flumine mersus Homo.  
 Diluvium à potu (nisi Tu exantlator *Apollo*),  
 Et pede languenti torpida vergit *Hydrops*.  
 Vel te *Lethargus* viscosis obruet undis,  
 Atq; *Animæ* *Cerebrum* non finit esse suum.

### Causa Quotidianarum Februm,

A nimio *Baccho*, jugulato & Causa *Falerno*,  
 Hocq; ferunt *Lympha*, seu *lupulata* malum.  
 Morbus utrisq; si best, Mala frugum Multa Cupido,  
 Plurimus & *Piscis*, si cibus esse solet.  
 Huic conducit iners ætas juvenilis, edaxq;  
 Brumaq; cum senio, quod sibi semper hiems

### Signa Quotidianæ Febris.

Est *Pituita Mari* similis, spatiat in amplo  
 Corpore, cui gliscens, *Alveus*, *Alvus* erit.  
 Est color affectis (nec enim bona candida cuncta)  
*Albus*, & extincto membra Calore madent:  
 Occupat hos somnus, Somnumq; insomnia *Aquarum*,  
 Atq; caput lædunt heu *Catadupa* sua.

Nox

Nox & amica Malo, Noctis *Reginaq; Luna*,  
 Nam Furi similis sole abeunte furit.  
 Non tamen invadit tam fortiter ut prior hostis,  
 Naturæq; minùs noxa benigna nocet.  
*Frigoris* accessus, sed in hac non Febre, *Rigoris*,  
 Nec repetit refugus tam cù ò corda calor.  
 Frigore disperso redit, ac si *Aspergine* Torris,  
 Extincto similis, sed tamen ardet, aquæ:  
 Principio urina est tenuis, mox crudior, alba,  
 Ascito tandem crassa calore rubet,  
 Est pulsus, tardus, parvus, rarusq; ; tumescunt  
*Undosâ* cordi Febre propinqua loca.

Sc. Pituita.

## Remedia.

Indice quæ digito virtus monstratur, ut hic est,  
 Factura est Firmum, Credo, Palustre solum.  
 Fontem exantlabit cœno, venasq; reverret,  
 Immerso portum restituetq; suum:  
 Frigidâ, & humenti si vivitur in Regione,  
 Scriptori, ut nuper contigit, esse tuo:  
 Decoctum Chinæ, & Guaiaci temnere noli,  
 Terq; & bis denis cura diebus erit.  
 Divitibus longè sunt ista petenda *Petita*  
 Dices, nec *Gangem* cui libet ire vacat;  
 Omnibus in terris natura benigna salutem  
 Conseruit, medicus quilibet hortus ager  
 Gratius *Angligenis* Factum (*Gerarde*) fuisset,  
 Herbarumq; tibi *Laurens* iste *Liber*,  
 Et titulo dictus Propriore *Botanicus* esses,  
 Nomen & addiderat Terra *Britanna* suum:  
*Specificas* Patriis morbis si discere Plantas  
 Te monstante queat, quas sua terra ferat.  
 Nam satis herbarum, si quis cognoverit uti,  
 Credimus esse domi, *mor*sq; *salus*q; simul.  
 Cum Chamæmelis Absinthia posse parari,  
 Hos tuus attulerit, si tamen ullus Ager.



Si tuus (ut mihi noster ademptus) at est Tibi *Mundus*  
 Hortus, nūm cuiquam Largior esset Ager?  
 Hic peragraré licet, multas & visere Plantas,  
 Sed dices, poteris tutior esse domi.

De Tertianâ seu Febre Intermittente.

Ut *Macrocosmi* spectatur in Ordine virtus,  
 Quum bene præstiterint iusta Elementa vices;  
 Si *Phaetontæo* solaris vertitur Axis  
 Ingenio, mundus se pereunte perit.  
 Utq; *Gomorrhaeos* gravis experientia monstrat,  
 Quod nullus Domino sævior Igne furit.  
 Atq; aliquando hujus flagrabit Machina mundi,  
 Concesso in socios Ignibus Imperio.  
 Sic Microcosmo metuendum, ne sibi felix  
 Unius humoris pugna nocere queat:  
 Seu *jecur*, inde *lien vicaria* commodat Arma,  
 Agnosci Dominum *Bilis adusta* cupit.  
 Obstruit & *rubras* furioso Fomite *Cannas*,  
 Intrat & audacter (cor) Penetrare Tuum.  
*Horis alternis bis senis* sæviet Ignis,  
 Membraq; præmisso Frigore fracta stupent:  
 Horror inest aditu, tremebundos concutit artus,  
 Tum demum in sicco cernitur Igne furor.  
 Cumq; à naturâ pugnabitur acriter hoste,  
 Cedit, & in calidâ fit via mollis aquâ.

Causæ & Signa Tertianæ, seu Febris Intermit-  
 tentis.

Salsa alimenta nocent, generantur & Ignibus Ignes,  
 Qui sale vescuntur, sulphura chilus erit.  
 Siccatumq; jecur, non Rubri Fontis ad instar,  
 Sed quasi *Pyrites* duri igne sicc.  
 Si quando sociam *bili Pituita* ministret,  
 Tum vehitur lentis flavior ignis aquis.

*Spuria*

*Spuria* Febris erit, longo tunc tempore pugnat,  
 Sed dat materies cruda minora mala.  
 Nec cursum refugus morbus tenet, infilit in se  
*Bile* malè *mixtâ*, reduplicatq; vices.  
 Tuq; Ceres Donis, fictu Pomona nocebis  
*Indorumq;* obsunt *Orgya* sacra Deo.  
 Audax ingressus, multoq; rigore notandus,  
 Et calor intensus, tum sitis ampla sequax:  
 Bilis & ejectæ sapor ingratissimus, Alvi  
 Fluxus, & urina est *Bile* parente rubra.  
*Legitimæ* æquales habitura haud *spuria* cursus,  
 Hora *Paroxysmis* longior hisce vacat.  
 Bile calent merâ, velut in se promptior ignis,  
 His gravior multô, sed dolor iste velox.  
*Septem* si rediit, *Crisis* datur optima, Finis,  
 Nec quenquam ad mortem destinat inde dolor.  
 Hoc Pater *Hippocrates* docuit de simplice morbo,  
 Quem faulto sequitur *nulla maligna* lues.  
 Extremis labris cùm Pustula turgēt, & ulcus,  
 Protrudi morbum significare velit.  
 Sed si postica (quâ convenientior ire  
 Non via) discedat, signa salutis erunt.  
 Sed si sponte negat, pellatur *Enemate* forti,  
 Sedibus est fordes ejicienda foras.  
 Sin Dolor a *seccore* infecto, aut *Felle* redundat,  
 Ulceribus possit mors malè grata capi.  
 Aut supra modicum replent mala pabula Bilem,  
 Aut *Cane*, & æstivo *sydere* membra calent.

## De Remediis.

Vescere nunc parcè, *Sorbone filius* ac si  
 Effes, sic discas vivere \* *sorbilibus*.  
 At majore cibo, cui *spuria* Febris, alatur,  
 Sed modicum *Duplex*, *strictaq;* Febris edat.  
 Accedit quando morbus, natura quiescat,  
 Finiores satis est, concoquat ipsa suos.

\* *Erasmus* in  
 Convivio pro-  
 f. no.

Nam



Nam perit assumptus tū n̄ victus, vel vitiatur,  
In Morbos abeunt ista alimenta data.

Fine Paroxyfmi pascatur tutius, ægri  
Ni natura, cibi languida pascit opem.

*Syncope* ceu calido vires malè læserit æstu,  
Tunc *Panatellam* ad Robora sume levem.

Abstineat somno, potuq; ciboq; petitus,  
Ante Paroxyfimum prorsus *Enema* juvat.

Et vomitus prodesse potest, *Asariq; potentis*  
Metallorum. Contusis foliis, ne vereare *Crocum*.

Quæ prius *assiduis*, Febri huic Medicamina profunt,  
Omnibus addatur *Tartareusq; Cremer*.

Frigore qui reficit, felix & clausa recludit,  
Et deterfivâ commoditate juvat.

Ternio si duplex morbusq; coïncidit, ipso,  
Fine paroxyfmi rite resiste novo :

Sic discessuro, & venienti *occurrere* morbo;  
Ac simul à tergo, & fronte ferire potes.

#### Vomitória.

Si vires constant, non est præstantius ullum,  
Quàm quod *per vomitum* fert medicamen opem :

Præsertim stomachum rodat si *Bilis amara*,  
Se cupiens extra mittere, pelle precor,

Atq; resistenti naturæ obsiste, requirit,  
Tūm medicas artes, auxiliumq; probat.

\* Amygdales  
dulcibus.

Experiare prius leviora, repente resulet,  
\* *Threiciâ* & motus si *nuce*, venter aquâ.  
Obstantemve *Croci* benedicta resuscitet unda,

Condita aut *Asari pulvere* Jura levant.  
Si *Croceis* jungatur aquis simul *uncia Senna*,  
Fit via secessu, si capiatur *Ana*.

Si vero Herculeis exultet viribus *Æger*,  
*Mercurium Dulcem, Scammoniumq; probes*.

## De venæ Sectione.

Ni Calor extremus, vel sit Plethora timenda,  
*Principio*, ut non est, *vena secetur*, opus.  
 Ante tamen *Septem* malè gratus viserit hospes,  
 Fac de Sanguineâ fugere vasa dpaë.

## Cathartica.

Febris *Appollineis* si nolit cedere relis,  
 Sed totum poscit facta proterva *Deum*.  
 Ut sciat *Herbarum* subjecta *Potentia* divo,  
 Telluris quicquid vel *Penetrabile* capir.  
*Agaricum*, *Sennamq;* simul *Rhabarbara* misce,  
*Sirrupisq;* Rosæ, *Cichoreoq;* *Datis*.  
 Juscula vel sapiant saltem, vel potio Fiar,  
 Convivant assuetus cui *Triduanus* erat.  
 Sive liene aucto tumeant *Hypocondria*, succos  
 Quo mulcere potes spondet *oliva* suos.  
*Asparagum*, *Althæum*, *Malvas lenes*, *Tamariscos*.  
 Et *Chamamelum* fer, *niveasq;* *rosas*.  
*Thestylis* his herbis quamvis contundit olentes,  
 Quàm foveant succis Pectora lota suis?  
 Verùm n adhuc incumbens *Mesaraïs* clausa *speluncis*,  
 Hæreat, aut *Hepatis* vult latitare *cavis*.  
 Enecet atq; morâ mox infelice, *Chamedris*.  
 Attamen è latebris, *Cichoreaq;* *cient*.  
 Hoc Montanus ait, cum longa obstructio vexat,  
 Præstat mirificam mox medicamen opem.

*Ovidius* in  
*Metamorpho-*  
*si*.

## Clysteres.

Temperies cum sicca tibi, nimiumq; dolores  
 Protahit in menses *Bilis adaucta* suos,  
 Tutius abstineas multò *Catharmate* forti,  
 Accipias potius *frigiferanda* velim.

Humoresq;



Humoresq; suis moti *Clystere speluncis*,  
Discedant sensim *Catholicone* Duce.

Balnea.

*Balnea* si nequeant, quæ sunt *mineralia*, haberi,  
De tepidis *Thermas* fac tibi prorsus *Aquis*.  
Extinguunt siccos humores sapius usæ,  
Insinuant succos, visceribusq; suos.

Diaphoretica. Dieuretica.

Cum tamen obstitat malè *Symptomatica Febris*,  
Sapius & morbum viscera læsa novant,  
*Sudoris Ductus*, *urina sive* sequetur,  
Provocat à Medicis quicquid utrumq; cape.  
Tum cape salvificam *Centauri* nomine *Plantam*,  
Ceu *virtus* nomen *Centuplicata* dedit.  
*Carduus* addatur, *Potumq; Absinthia* acerbent,  
Dulcis erit, quamvis *Res* sit amara, salus:  
Deniq; *Basilicam Mithridatis* sumito dosin,  
Atq; amanderur, *Tertia Febris Abi*.

De Quartanâ Febre.

De Tribus, an *Furiæ* dicendæ, sive sorores,  
Pessima *Quartana* est, *Fila* plerunq; secat.  
Et sedet affectis in vultu *Tristis Erynnis*,  
Luctibus & variis exagitare solet.  
Præten ditq; facem terreno sulphure mixtum,  
Ludit & in Piceo *flamma* Canale pigra.

Causæ.

Aut faciunt *Alimenta*, mala aut *Digestio* morbum,  
Frigida cum sicca *Temperiesq;* nocet.  
Luctibus assuetæ mentes, vitæq; lugubris  
Conditio, sibi non, non aliisq; placens.

Naturæ

Naturæ quando faciunt peccata dolorem,  
*Legitima* est febris dicta, at *Iniqua* tamen:  
 Cum gelido, & sicco *cholera* intermisceat ignes,  
 Est *Notha*, contingit sed vigor hisq; *nothis*,  
 Naturæ vitio melius succurritur Arte,  
 Humores tardos *Pharmaca longa* domant.

## Signa.

Ordo *Paroxysmis Quartane* noscitur ipsis,  
*Legitima* est quovis *quarto* oriunda die:  
 Dicitur & *simplex*, affligit *spuria* binis,  
 Dicta *duplex*, liber *tertius*, atq; dies.  
*Triplex* degenerat, mutatq; retrograda cursum,  
 Nomine non damno *Quotidiana*, cluit:  
 Horridus accedit, longoq; rigore fatigat,  
 Fulcra & naturæ concutit ossa dolor  
 Quando frequenter hias, lassusve extendere suefcis,  
 Scito adventuram, vel gravis Ipse tibi es.  
 Febre laboranti mul' ò felicior *Æstas*,  
*Affinis* morbo *Pharmaca* lædit *Hiems*:  
 Principio *urina tenues*, malè digeris inde,  
 Cum *Color Urina*, ne vereare, *niger*.  
 Extinguet morbum subrepens forte *Caducus*,  
 Nì potius *Glauci* hæc *Merx* metuenda magis,  
 Fax face destruitur, morbis quidni accidit idem,  
*Sanguinis* & *fluxu* posse perire luem.  
*Naribus* effusus sed Sang' is *perniciosus*,  
*Humori crasso* nulla fit inde via.  
*Basilcam tundas*, si bulliat, ergò supernè,  
 Sanguinis id damnum fortè sequatur *hydrops*.  
 Sed lethale venit, cui *sexagesimus annus*,  
 Non satis ah morbi *Tempora tanta* putes?

## De Remediis Dieteticis.

*Frigida* sanantur *calidis*, *humentia siccis*,  
 Ludit in hac pugnae vitaq; morsq; , vice,

E

Si



Si victum spes, nemo agrotare negaret,  
*Phasis* avis, *Perdix*, *Agnulus* esto cibus,  
 Et quicquid juvenile parit natura benigna,  
 Cui modicè calidus succus, Adepq; bonum est.  
*Bugloss*, & coctâ *boragine* iuscula fiant,  
*Fœniculum* & *Rapus* esse memento cibans.  
 Specificum quoddam *Rapis* Credetur inesse,  
 Si *Butyra* simul, *Sacchara* five *Capis*.  
*A. Pemis* non omne malum, coque non mala mala,  
*Dactylus* esto mei *Carminis* ergo bonus.  
*Dactylis* & pasce diversi nomnis uvæ,  
 Non re, pro fructu *Ficus* amœna placet.  
 Succus *Amygdalina* prodest *nucis* usq; bibendus,  
*Nux Moschata* loco, vel *Crocus* esto *salis*:  
*Insulsi Pisces*, *Gallina* gaudia nixæ,  
 Et qui *Gallinis* non *Amor* esse solet.  
*Capo*, Tibi prodesse potest, *Genitorve* *superbus*,  
 Qui \* *Cristâ* exectum despicit omne genus.  
 Omnia ne admittas, quantumvis plurima Possis  
 Fercula; *Porcelli* non *Comedenda caro*:  
 Et fugiant lepores mensam, *Cervi*q; fugaces,  
 Præda Canum, at potius quæso sit esca mea.  
 Nec sale conditæ, aut Carnes *Fuligine* duræ,  
 Et flatu minimè *Brassica* grata suo.  
*Castaneæ molles* & *Casens* utraq; nequam,  
 Naribus averfis quodq; teratur *olus*.  
*Gallica vina bibas?* sint rubra, vel Alba, sed in queis  
*Salsa parilla* coqui, vel *Tamarisca* solet.  
 Tinge & *Agrimoni* folia, & *diluta* bibantur  
*Ferratâ*, vel aquâ simplice mixta mera.  
*Delectus varius*, minimus permittitur usus,  
 Tantum non inter *Tantalus* esto dapes.  
 Disce *avibus bibere*, aut *Hauftus* sint *Caniculorum*  
 De alterutris nimium vertitur in vitium.

\* Cantu.

## Cathartica.

Clementer primò tractandus acerbior hostis,  
*Clysteri* an Cedens, ejiciendus erit:  
 Si coràm alloquio dignetur, *Potio* lenis  
 Missa fit in primis ad retegenda loca,  
 Et sedes Morbi *Meseraas* ingrediatur,  
 Conspirare solet Torpidus humor ibi:  
 Lustratis adytis possis indicere bellum,  
 Nuntia mittatur *Phlebotomia* priùs.  
 Atq; opportunè coeunt cùm *Cornua Luna*,  
 Sicferias, ut pax forte secuta manum.  
 Et *dolus & virtus* Doctore requiritur, Humor  
*Motus ut ad Lunam*, Migret *Alentis* ope.  
*Basilica*, jecori male cum sit, *parce sinistra*,  
 Visceris ob noxam *brachia dextra* placent.  
*Sanguine lustrandum Parco*, impuroq; litandum,  
 Ne calido extracto membra *laceſſat hydrops*.  
 Auxilium quando *Mesaraeis* pergere venis  
 Conſtitit, ad partes conciliandus *anus*.  
*Flandria* ut accessus certi *Duynekirkia* capta,  
*Febris &* a portâ *poſteriore* ruit.  
 Ne nummis parcas, locus iste ut possit haberi,  
 Infidiis faciet *forſan Hirudo* viam.  
 Si *Postica fides*, non Proditione Patebit,  
 Tum *Salvatellam*, *Malleolumve* seca.  
 Longius obſtanti mittatur *Plenipotensq;*,  
 Migrent Legati, *Absynthia*, *Senna* duo.  
 Ante Paroxyſmum paulò internuntius adſit,  
*Hippocratis veniâ* Pugna ineunda ſtatim.  
 Nec metuas, ſi vis eſt firma, laceſſere Febrem,  
*Pelide* vel par Impiger *Hector* erat.  
 Sin conferre manum, Marte & pugnatur aperto,  
 Tunc *Aſari* cineres, Arma probata, Cape.  
*Theriacon Turcò*, ſi ſit concoctio, detur,  
 Quo *Londinenſis Pharmacopœa* præeſt.



*Specificis* pugnat felicior *Heurnius* *istis*,  
 Et prægustato provocat *Arma Croco* :  
 Sed *Ruta* *vina* cedit *victoria mixtæ*,  
 Quamvis *Quartanam* juverit *hostis hiems*.

## Unguenta.

*Spina* oleis dorsi præscriptis proderit *unctis*,  
 Præsertim obitrueto *quæque liene* valent;  
 At *Medicina*, *manum* ad nisi detur, inutilis omnis,  
*Kapriæ* *trapis* nostris si qua adhibenda fides  
 Et Docti medici *Carpis* sua *Pharmaca* figunt,  
 Tritaq; *Sambucus*, *Salvia*, *Ruta* juvant.  
 Cum *sale*, tum *vino*, prædictorumq; *Pusillus*  
 Sufficit, *urticis* acria *vina* valent.  
 Successit Carpo cinctus *Ranunculus*, uni,  
*Senerte*, an non hæc *fœmina* quæso fuit ?  
 Attonitis subito novi *terrore* repulsam,  
*Exploso sclopulo* territa *Febris* abit.  
*Casus* & in foveam cessit bene *Nuperum*, *Ursus*  
 Dirupto & currens *Fune* tulisset opem:  
 Terribiles motus possunt subvertere *Mundum*,  
 Contractus quid non *spiritus intus* agit ?  
 Et *Microcosmum* totum exagitante *Tumultu*,  
 Cedat *majori Succuba* forte *minor*.  
 Deniq; , quo placidè possit *Quartana* resolvi,  
 Sæpius in tepidis *Arida* ludat *Aquis*.

## De Febribus Pestilentibus.

*Prosopopœia ad suos.*

Qualis in humanis successit sedibus hospes ?  
*Pandorane Dari* non satis ante fuit ?  
 Morborum Genetrix, quid enim de Virpe loquendum ?  
 Simplicis unius non satianda nece.

Uritur

Uritur altera *Messallina* libidine fati,  
 Pro libitu populos perdit, ut illa, suo.  
 Quamvis contigerit jam raro tempore nasci,  
 Quod si vidisset *Scaliger* ipse prober.  
 Ætas, quæ cæli nullos censura furores,  
 Jactat propitios semper adesse Deos.  
 Grassari peitem poterit memnisse videri,  
 Si non sit Pessis non meminisse satis.  
 Nilne monet nuper vastata *Neapolis*, & quæ  
 Orbis præ se fert esse superba \* caput.  
 Collibus illa sedet, cælo fuiturq; beato,  
 Nec ramen hanc pepulit Crux numerosa Crucem.  
 An saltem frarum tandem meminisse potestis,  
 Qui *Genoa* infantis stant monumenta mali.  
 Quas aras (*Libitina*) tibi? quot dira Sepulchra  
 Mox structura, & jam condidit ista lues?  
 Urbs quæ asi deductum sibi durum nomen ab *Orba*  
 Manibus, atq; umbris non habitata viris.  
 Ludere jam vacuis Domibus *Mors* sola videtur,  
 Factus nolentium ferre *Monarcha* Duces.  
 Quid peperit morbum rogitas? non Putridus Aër,  
 Nam mare submissum ad, nomen & unde, \* *Genu*.  
 Oceani rabies, non est, non æquoris æstus,  
 Ni *Venere* à nimia, quæ fuit orta mari.  
 Nec præeunte fame focii λοιμός τε λιμός τε.  
 Nec Bellum intrulerit, quod feret omne malum.  
 Lustratus raro terris impune Cometes  
 Non ibi visus erat, nec malè stella coit.  
 Non vapor è terrâ, rupto *Phlegetonte*, refusus  
 Tot nuper populis exstinctus erat;  
 Non lacus in causâ; nihil heu natura, nec Artes  
 Peccavere Deum: A Civibus Ira suis.  
 Incusent fruges licet, *Arbor*, *Quisque*, *Reversa* est,  
 An fructus Crescat pejor Adulteriis?  
 Sic Cædes, fastus, nummorum sacra Cupido,  
 Mens ingrata Diis. Non satis ista Mali?  
 Ad pœnam urgetur *Nemesis*, quassq; flagello  
 Frustrâ, ferrata verberat ulta manu.

\* Roma &  
 Neapolis nū-  
 per peste vasta-  
 ta.

\* *Genoa* in for-  
 mam genu  
 ad mare pro-  
 minet.



Discite iustitiam moniti, non scita Magorum;  
 Nec quid *Aves*, quid *oves*, quid docuere *Boves*.  
 Quilibet *Augur homo* est, atq; *unusquisq; Sacerdos*,  
 Victima & ipsi nos, stringe, terito *pecus*?  
 Occidat & *lupus*, occumbat fœdis *Caper Aris*,  
 Ebria *Sus*, & qui depopulatur *Aper*.  
*Simius* & vestis, vultus *Panthera* dometur,  
 Et *vulpes* fatis heu fraude referta piâ!  
 Humanâ superis *Hecatombe* forte litandum,  
 Parcaturq; gregi: *Quid mervere Greges*?

Medica Consideratio.

Morborum ceu Ludus homo, Latruncula Pests,  
*Regibus* haud parcit, tollitur omne genus.  
 Discolor est Febris, Faciesq; similima ludo,  
 Et locus infœlix, Albus an Ater erat.  
 Diversis maculis ceu *Lynx* mala, devorat ægros,  
 Et non vitando vulnere saxa necat,  
 Ceu venit ad puras sedes immunda *Celano*,  
 Invenit aut patres, Pessima quæque facit,  
 Morbus ubi non est, morbus sævissimus ipse,  
 Attollitq; alios, nec finit esse suos.  
 Fungitur & plusquam *Basilisci* vulnere cæco,  
 Et visus prior heu! inficit, atq; videns.  
 Oh miseros homines, quibus hæc solatia dempta,  
 Interitu nullos lædere posse suo!  
 Defunctos vivosq; simul Contagia tangant,  
 Esse nec insontes post sua fata licet:  
*Innumeros* inter tulerit quos nostra *Malignos*  
 Ætas, hoc mirum non *Cacoethes* habet.

Causæ Febris Pestilentis.

Dicta sit humorum, sed Prodigiousa Mephitis,  
 Quâ non Temperies frangitur icta semel,  
 Passa vices miseras, mutatâ & faucia sorte,  
 Sanguinis accessu hęc integra massa perit.

Consternata

Conſternata jacent vitæ Fulamina noſtræ,  
 Et venit a Signo certa Ruina dato.  
 Cætera Putredo quaſi fit cum *Bacchus* aceſſit,  
 Hic abit in *Vappam* nobilis *uva* meram.  
 Sed neglecta poteſt vel quælibet eſſe maligna,  
 Febris, at hæc non eſt facta maligna, venit.  
 Tibi præcedit, quandoq; & larga veneni  
 Transmittit virus (*Prodiga noxa*) ſuum.  
 Menſtrua ut Iconem maculabunt lumina claram,  
 Uvaq; conſpectâ ſuave ſorore rubet.  
 Ac ſibi inhærentes ſpinas emittit Echinus,  
 Et retinet ſtimulos, queis fera pungit, Apis.  
 Sic exire foras retrogradâ viſa venena,  
 Atq; ſpecum repetunt, unde ruere, ſuum  
*Emphatice* Peſtis dicatur & *iſta*, ſuiſq;,  
 Ut *Dæmoniæcus*, mox aliisq; nocet.  
 Et Par *Dæmonibus* fœdâ Dominabitur Aulâ  
 Peſtis, in amœno & gaudet adeſſe loco.  
 Corruptæ hoſpitio ſedes placuere Paratæ,  
 At ſi non tales invenit, illa facit.

#### Cauſæ Febris Peſtilentis.

Internis oritur Peſtis leniſſima cauſis,  
 (Si quid lene poteſt dicier, unde dolor.)  
 Nascitur in nobis naturæ Peſſimus hoſtis,  
*Humoresq;* omnis ſunt *Elementa* mali.  
 Nam Cachochymia ſparguntur quando vapores,  
 Nec recipit quicquid vena, refertve boni.  
*Ductibus obſtructis*, quæ ſunt *Spiracula* vitæ,  
 Non tranſit clauſas Aura maligna fores:  
 Si ſuperet *vaſa* & *vires* *Plethora* redundans,  
 Et Putri ejeſto Sanguine membra dolent,  
 Impedit an quidquam, tanto præeunte paratu,  
 In ſedes *Dominam* \* jure venire ſuas.

\* Sc. Peſtem.

Evenit



\* Veneris.

Evenit externis (quod non mea Carmina possint)  
 Causis; & p. gnant contra Elementa Reum.  
 Ves imunde, *Aer*, stat multi Criminis ultor,  
 Atq; *oris diras* verberat *Aura mala*.  
 Faucibus impuris roties Commissa, refundit  
 Cælum, sunt Culpæ tela retorta mea.  
 Vendicat heu flammæ quoties *Volcanius Ignis*,  
 \* *Conjugis huic* quamvis est quoq; *bubo suus*.  
*Nausea* supplicium est *stomachi*, *vomitufq;*, *voracis*  
 Dantq; suæ pœnas sumpta *Alimenta Gula*.  
*Æther arma Capit*, non *Enses* quando videntur,  
 Nubibus aut currit cum *Cataphractus* Eques:  
 Hæc quoq; portendunt, sed quando mirior *Aura*,  
 Est *Medicos* ventros non habitura suos.  
 Sistit & immotus (Deus est in flamine miti)  
 Proderit & *ventis* *Aura Agitata bonis*.  
 Noxius aut cum se puro intermisceat *Aër*,  
 Strangulat hunc missus tum *Phlegetonte* vapor:  
 Sic calor, atq; humor (quamvis his vita Foverur)  
 Si semel excedant, tristia fata ferunt.  
 Noxia sunt *semper* loca fœta *madentibus Austris*,  
 Venit & omne quidem non *Aquilone* malum.  
 Asciscunt & non *humata* *Cadavera* mortem,  
 Proferet intentum *Terra* negata *levis*.  
 Quantum à *Sentinis* patimur, fœdisq; *cloacis*,  
 Aut ubi mors non est, *stercore* quando latet?  
 Felices certè populi, quos despicit *Arctos*,  
 (Quantumvis *Ursus* Bestia fœda satis)  
 Tuti *Aquilone* suo, qui purgans flamine puro,  
 Non fœtere orbis *Posteriora* finit:  
 Longius at iussò, male si *Septentrio* perflet,  
*Aura* potest *Scoto* sœva nocere minis.  
 Condensata cutis nullos missura vapores,  
 Intus conclusa *Frigora* *Febre* luit.  
 Hoc vel *Semefi* *Nares*, unguetq; rigore  
 Monstant, quos miserè tristior urget *Hiems*.?

Hoc



Hoc docuit nobis etiam Groanlandia nuper,  
 Posse urfos ibi, sed non habitare viros.  
 Febris causa datur, cum *Alternis* volvitur *Annus*,  
 Aura modo est *humens*, mox magis *sicca* viget.  
*Intermittentem* quasi Tempora passa *dolorem*,  
 Incertas præstant sæpe Elementa vices.  
 Non placet in sese velut *angue* Reverteret *Annus*,  
 Hoc *Serpentis* habent *Posse nocere* Dies.  
 Devia vel quando fertur Natura, fuerat  
 Immemor & legis, Tempora iusta negat.  
 Commutatq; vices, *Soles* cum *Frigore* torrent,  
 Et Rigida *aestivo* Tempore sævit *Hiems*.  
 Motibus adversis fit conturbatio statûs,  
 Quid prodesse potest, quando Tumultus agit?  
 Et nescit dubius, quo sit sub sydere tutus  
 Humor, & an *ne ursam*, plus metuarve *Canem*?  
 Nam *nihil ad nos quæ supra* hic, non posse teneri,  
*Astra Regunt Homines*, Imperiumq; probo.  
 Scilicet *Astrorum* prorex, vicarius Aër,  
 Iratum ostendit sapius esse Jovem.  
*Triplicibus* telis subjecta in Corpora Pugnant  
 Quando Giganteum provocat Arma scelus,  
*Influxu, motuq;* suo, certantq;, *Calore*,  
 Et Bellum indicit *Præco* Cometa geri,  
 Non ficti, falsiq; tenax est *Nuntius Ardens*,  
 Sed verò, & certò damna futura notat.  
 Ocyor & nimbo, pernicio *Alite Divo*,  
 Præmonitis populis dicta Ruina venit.  
 An non Augurium viget hùc Celeberrime \* Tycho,  
 Portenditq; meos *Cassiopea* Dies?  
 Namq; capax cum sit *calidiq;* & *Frigoris Aer*  
*Sicci, atq; humentis*, Sydera quæq; laur.  
 Tempestas igitur mutatur Sydere forti,  
 Et *Metamorphosis* non aliunde venit.  
 Hinc est qui cecinit *nam* \* *vos mutastis & illas*,  
 Tam Collaudata fabulæ origo sua:  
*Saturnumq;* suos Crudeliter esse *nepotes*,  
 Et *Patrem* Regno Deposuisse \* *Jovem*.

Sc. Mercurio.

\* Ticho Brahe  
 nobilis Danus  
 & Astronomus  
 incomparabi-  
 lis.

\* Ovidii in Me-  
 tamorphosis.  
 \* Domini Ve-  
 rulamii Franc.  
 Bac.



Non aliud monstrat *notissima* Fabula cœlo,

Quàm *Planetarum* mutua bella geri.

*Sanctus* ait *vates*, *Diversos Syderum honores*,

Scilicet unum alio posse valere magis.

Gloria & inde sua est, quamvis concurritur à se,

Ut Domini præstent Debita jussa *Jovis*:

*Jobus Idumæ-* *Astronomusq;* sacer mirum n. patiensq; \* *Dolorum*

us Patientiæ

Afferit *Arcturum*, Pleiadas esse docet.

proverbium &

*Nimborumq;* facit, Tempestatumq; potentes

Adag.

*Stellas*, urinâ quæ malè nomen \* habent.

\* Constellatio

dicta Orion.

Ille etiam causas Hiemis, Pluviæq; , nivisq;

Grandinis & diræ, Fulguris, & Tonitrûs

Ascribit *causis* (cùm cætera nostra) *secundis*,

Fassus at *in stellas* Imperium esse *Jovis*.

Noxia naturâ non fas est dicier *Astra*,

Et nihil *Artificem* quod probat esse Deum.

*Fonte boni propriè & per se* mala nulla oriuntur,

Respectu nostri dicitur esse malum.

Sic ut Comburat, vitio non vertitur *Igni* :

Fax licèt oppositis viribus usta ruat.

Conditio nostra est *Impar* Congressibus altis !

Fortior est quamvis stella, ideone mala ?

Non potis in noxas *stellarum* *Debilis Aer*,

Corrupto semel heu *Aere* cedit Homo.

*Ingens Æacide* telo jacet *Hæctor*, at illa

Laudatur virtus vel licèt *Hoste* fuit :

Quid quæso virtute suâ peccaverit *Astrum* ?

Si cado majori percitus *Ignem* minor.

Incusare Deum nec fas est, quod mea fors est

*Impar*, nec detur viribus esse *Parem*.

Frigoris *Impatiens*, extremorumq; *Calorum*

Cùm non sum, ideone in *Crimine Sol*, & *Hiems* ?

*Privatæ* quicquid naturæ apponitur, & si

Destruit oppositum, est *Antipatheia* bona.

*Paucorum* damno *Communis* non ruit *Ordo*,

Everti mundo sospite *Troia* potest.

Naturæ



Naturæ quamvis leges violare molestum est,  
 Quæ servatricem læta spondit opem.  
*Legislatori præscriptio nulla ferenda est,*  
 Atq; *obstante* suum *Nemine* pergit opus.  
 Plecti per *partes* possit Sceleratior orbis,  
 Olim qui *totus* Numina læsa luet.  
 Frendere & indignum est, neq; enim *lex justior nulla,*  
*Artificis,* cum fas, *arte* periret opus  
 Nec quicquam profunt levis Argumenta momenti,  
*Peccârunt Aliqui, Plectitur omnis Homo:*  
 Des *unum* insontem, qui *vel se* iudice liber,  
*Ille*sq; *illo* perditus orbis erit.  
 Altera causa oritur subiti multiq; pericli,  
*Ararâ aut densâ* Conditione Cutis :  
 Corpore ab exili Calor effluit, at cute *Densâ*  
 Nil transpirari clausa fenestra \* finit :  
 Si *retinenda* fluunt, vel si *excernenda* manebunt,  
 Natura officiis functa repente ruit.  
 Non *gliris* somni, *Catuli* aut *vigilantia* tuta,  
 Non *Epicureum* sis, *Cynicum*ve pecus :  
 Humorum genitor *Morpheus*, velut humida nox est,  
 Contentos *minimâ* nocte Fatigat opus.

Mor. Si fractus  
 illabatur, &c.

\* Sc. pori clausi.

### Signa Febris Pestilentis.

*Sirenium* facies morbo, sed definit *Anguis*  
*Suspectum* semper, cum *minus* *Ardet*, habet :  
*Vasra lues Medicis* quandoq; imponere possit,  
*Urino-vatem* fallere *mixta* valent.  
*Pulsus* & interpret non *fidus* cordis, eundo  
 Nil docet, ant mendax falsa Referre placet:  
 Corporis *is status*, qui fallat sapius agrum,  
 Ut moritur, quàm se sentiat *ante* mori.  
 Morborum *Dominam* Signorum magna Caterva  
 In *Pompam* variis, *Concomitata*, datis.  
 Ut solet electo *Comitatus* *Posse*, Regenti  
 Plurimus adferri, quo celebretur, Eques.



Rebus in humanis *Epidemica noxa* triumphos  
 Sic agit, & Morbi *Credita Signa* ferunt :  
 Ut *Sopor* atq; *sitis*, *Capitis tūm*, *Cordis* & *alios*,  
*Nausea* cū vomitu, *Syncope*, languor *iners*.  
*Sudores*, *Fluxus*, *Deliria*, *Lumina rubra*,  
 Singula quæ noceant, hic coiere mala.  
*Ordinis* & Morbi *majoris* sponte merentur,  
 Et Tribuunt *Sociam ulcera fœda* manum.  
*Hepatis* est *Legio Rubro*. *Dux prima Colore*,  
*Vestibus* & *Flavis* *Proxima, Fellis*, erit:  
*Angina* & sanie *Corruptus Pulmo*, *Phrenitis*.  
 Stant *Fronte*, & *Fluxus* ultima habere loca:  
 Utitur auxiliis, nec fert *Socia Agmina* solū,  
 Sed sibi conscripta est *Exitiosa cohors*.  
 Vexillumq; suū *Feralis purpura* \* tingit,  
 Aut *bellum Signo* deteriore gerit.  
 Aut in *Crudeles* Agit *Exanthemata* Campos;  
 Deformemq; aciem *Pustula* crebra facit:  
 Sed cū *Castra* petit \* *Dux*, notus *Aquilifer illi*  
*Bubo*, modo *Aquila* nomine dignus erat:  
 Et lethale *Tumens Carbunculus*, inguine fixus,  
 Quæ duo si videas, *Alta jacta necis*.  
 Deniq; prædictis si sit *Convulsio* magna,  
 Si subitus *linguæ*, seu *manuumq;* tremor,  
 Aut si *Lumbrici*, pecus ah sociale *Sepulchris* !  
 Apparent, *Morti castra* locanda time:  
*Nausea* perpetua, & lati *fastidia* victus,  
 Significant *Stomacho Facta venena cibos*.  
*Urinæ* species si livida, nigra, oleosa,  
 Attra fœce sedens, exitiale canit.  
*Hydrops* ad matulam, si *febris* non minuatur,  
 Continua *interitus* sunt *Cataracta* notæ.  
 Si *venâ* seclâ *Sanguis* purissimus exit,  
 Et vitio nullo tingitur iste cruor.  
 Inro demonstrat conclusa *venena* valere,  
 Cordis *inaccessis* & posita esse locis.  
 Dicuntur *maculæ* faustæ, *infaultæve* colore,  
 Mors at cedentes retro secuta notas.

\* Scil. macula  
purpureæ;

\* Pectis nat  
pau.



Vultus Bubonum foedi, quibus ulcera juncta  
 Si Cordis teneant Proxima, Signa necis:  
 Liveat & si quis Carbunculus, ore Saturni,  
 De Grege Mercurii te numerato brevi.

## Remedia.

Prudenti Medico numen non sufficit unum,  
 Propitius Janus sicut Apollo fuit;  
 Lumine, stellato, si fas, oculatior Argo,  
 Undiq; Morborum ut Conspiceretur Io.  
 Aures atq; Manus quot Fama, Geryon habetq;  
 Judiciumq; daret docta Minerva suum;  
 Noscat ut internè, quid saltem læserit extrà,  
 Pro chartis lectis quælibet herba foret.  
 Et Salomonæ laudis, simul æmulus Artis,  
 Tantum non sciret sic Muliebre genus.  
 Corpora ceu pleni victus ratione labascunt,  
 Ceu Cacochymia culpa Alimenta nocent.  
 Ceu Tempestati tribuatur Origo malorum,  
 Quam benè Whartonus sciret Ephemeridim.  
 Sanantur tunsâ Plethorica Corpora venâ,  
 Ægros præmissum sæpe Catharma juvat.  
 Humida plus nimio medicantur Corpora ficcis,  
 Densatisq; ferunt uda alimenta bonum.  
 Præmoniti fugiant Epulones Fercula sueta,  
 Et sibi jam medicus corrigat ipse gulam.  
 Nec Cereale licet, nec Bacchanalia vivas,  
 At Tua ne omnino Festa Lupercal erunt.  
 Nec somno (quamvis placidissimus ipse Deorum)  
 Alcidae, licet Tutior ille, lita.  
 Humore à vario si longa obstructio vexat  
 Quorum Crassities, Copia, Lentor obest.  
 Evacuare bonum est, quando fit Copia culpa,  
 Acri crassities attenuanda dato.  
 Hærentemq; citum Pituitam Pharmacon urget,  
 Atq; absterfivis fit via facta statim.



Si cœlum in culpâ est, peccatur si Jove multo,  
 Affligente uno Fert Deus alter opem :  
 Fac tibi Vulcanum reperito Fasce benignum,  
 Quando in Conclave est, Aura creanda tibi est.  
 Si Phœbus radiis exusserit omnia claris,  
 Frigeat asperso Fervidus Amne focus.  
 Fac pluat in Camerâ, vel ad ignes docta Puella,  
 Quos potius vellet, ventilet ista domum.  
 Si quando fœdo corrumpitur Aura vapore,  
 Bombardæ explosæ tum bonus usus erit.  
 O utinam sacer is tormenti & sulphuris *autor*,  
 Hanc solam inventi perdocuisset opem.  
 Purgando cœlo profunt incendia crebra,  
 Non ideo tua sint tecta Cremanda Tibi,  
 Consumunt ignes, odor alterat acta venena,  
 Diljiciuntq; gravem Fulmina missa luem.  
 Cedere sed potius cœlo est, quibus altera sedes,  
 Queis est una pice, & Thure Adolete Domum.  
*Theriaca* nares tingantur; *Rutaq; Tusa*,  
 Vel salvere jubet *Salvia* trita manu.  
 Sed clypeum nobis *Domini Semptemplicis* unde,  
 Quo defendantur noxia tela tria :  
 Non simplex hostis Pestis, sed in Arma coëgit  
 Febres cum Tabo, & dira venena simul.  
 Morbitim aggrediar, ne sit congressus iniquus,  
 Postulat *Alciden* vis *Acheloa* triplex.  
 Obstandum Febri quo dicitur antea *victa*,  
 Condita at solis juscula sunt Acidis.  
 Temperies ægro si Fervida sit minus, & si  
 Corpore *Plethoro* noxa maligna viget,  
 Ne metuas Lymphâ mixtâ jugulare *Falernum*,  
 Quantumvis vino noxia, tuta lui.  
 At Febre intensâ, qualem indicat Arida lingua,  
 Tunc acidis, vino parce levare sitim.  
 Sed sunt qui janctant capto Medicamina *Baccho*,  
 Atq; vel extremis sæpe levâsse *Deum*.

At casu certè, non stat ratione probandum,  
 Nec medicum eventu posse carere velim:  
 Hoc ~~scio~~ si cuiquam tulerit Medicina salutem,  
*Hispanum* idcirco debet Amare diu.

De venæ Sectione in Febre Pestilenti.

Ut si forte bibas (nam nemo sobrius unquam  
 Sponte venena bibat) *Phlebotomia* mala est.  
 Sic quando cæco hoc perstringimur igne, redundet  
 Ni *Putredo*, Tibi à Sanguine noxa venit.  
 Verùm multigenâ venis Putredine plenis,  
 Si sint Humorum toxica, Sanguis eat.  
 Principio morbi transmigret sarcina tota,  
 Sive sit accenso viscere forte Timor.  
 Non sic si Pestis vestrà Dominatur in *Aula*,  
 Compertum est sectos interiisse statim.  
 Cumq; *Galenus* ait vehementi Peste, ferire  
 Languorem usq; licet, junge Maligna nisi:  
 Quantumvis maculæ, sive Exanthemata visa.  
 (Si sit multifluus Sanguinis iste latex)  
 Inq; dies licitos ebullit transfugus humor,  
 Expelli cupiens, vena secata juvat.  
 Post quartum ne tunde diem, sit præsto levamen,  
 Aptis inq; locis Fige Cucurbitulam.  
 Podicis at multò melius fugenda Papilla,  
 Infantis verò sumat hirudo locum.  
 Visceribus, Pestis, veluti latet ipse *Cupido*,  
 Posticâ & cupiet promptior ire via.  
 Vesicas placuit multis emungere fero,  
 Hanc prior invenit *Vespasianus* opem.  
 sed si *Cantharidâ* vis procitare meatum,  
 Ne noceat videas Aureus iste Culex.  
 Contusus Raphanus matulæ bene notus Amicus  
 Provocat urinam, Fœniculiq; juvant.



## De Purgativis Remediis.

Principiis morbi, quia crudior, & minus apta  
 Pelli materies, nec bene cocta fluit,  
*Hippocratis* placitum Patris est, *Purgamina* cessent,  
*Clystere* humori est præripienda via.  
 Ni primâ regione fluat perplurimus humor,  
 Tunc tutò exagites *Catholicon* foras

## Remedia in Putredinem.

*Cynthia* providit renovatis *Cornibus* aucta,  
 Credita cum fratis *Lumina* vibrat aquis,  
 Ne limosa palus *Pontus* stagnaret, at *Ællus*  
 Excitat, atq; jubet, quo voler, ire mare.  
 Obsequiturq; sequax, & ductilis unda regressu  
 Pura fit, & motu clarior ipsa suo est.  
 Ni satis hæc, tribuunt vicaria munia venti,  
 Permissumq; illis exagitare fretum.  
 Corpore in humano sic *flumen Sanguinis* est Par,  
 Quod repetit fontem *Cordis*, ut unda mare;  
 Principio vitæ motus refugiq; reguntur,  
 Et pro *Zodiaco Circulus* iste suus.  
 Sanguinis obstructo sed putri fæce Canale,  
 Ut ventus, segnem *Spiritus* intus agit.  
 Sicut & immundum Purgatur *Fulgure* cælum,  
 Et sua sic Medicus *Fulmina, Sulphur*, habet.  
 Atq; *Sales* chymici, *nitratum vitriolumq;*  
 Et *Tormentillam*, sclopus ut ista sonant.  
*Galenusq;* onerat Tormenta salubria Plantis,  
 Nunc *Pimpinella*, *Cichorea*q; levi.  
 Tundit *Acetosam, Buglossum* rite boantem  
*Scordia*, & expultrix fit *Scabiosa* Luis:  
 Nec benedicetur dosis, nisi *Carduus* adsit,  
 Herbaq; quæ foliis quinq; superba suis;  
 Ut gustum sapiant, addantur *Citria mala*,  
 Et sine *Prunella* non bene mensa /ale est.

Sed quibus ad victum mollem muliebri Palatum,  
 Nec præscripta mihi Formula tersa satis,  
 Ægrotare licet cum vulgo, vescere nolunt !  
 Sint Gallinarum juscula cocta modo hoc,  
 Cum *Pimpinella*, foliis *boragnis*, herbis  
 Suavibus & gustu, *Citria mala* cape.  
*Demulsiua* juvant, quæ lenit *Amygdala* dulcis,  
 Semina *Julepis* Frigida & adde tuis.  
 Atq; venenifuga ista inter semina misce, !  
 Ut *Citrum*, *Napum*, *Carduum* itemq; *sacrum*.  
 Nec minor est *Quanto*, quam *Quali* vescere, cures,  
 Esca etenim nimia est, id genus omne, mala.  
 Dogma sit & *medicum*, *Digito compefecit labellum*,  
 Intret dentatas quodq; salubre fores.  
 Ne sit *Ovis functus scabie*, aut *Porrigine Perci*,  
 Neve *suus*, Dubius cui pater, esca Tibi.  
 Quin fructus vites, quibus est *Autumnus* iniquus,  
 Quo maturescant Solis & igne carent.  
 Quantas divitias nobis dat *Bartholomæus* ?  
 Atq; indigestis plebs satiata *pyris*.  
 Utq; *ingesta* nocent, magè non *digesta* nocebunt,  
 Sicut ut *Egestum*, si malè se *Alvus* habet.  
*Profluvio obstructo* Sanguis Retrogradus obsit,  
 Fæmina seu Medico flumine, Masve \* caret.  
 Vita animum tristem, *nulla est medicina dolori*,  
 Plusq; fame, ac bellis inficit ipse metus,  
 Ipse facis tristis, Tibi, quod nec frigus hiemsq;  
 Cogaris ah *tropidus ne moriari, mori*.

\* Scil. venis  
 podicalibus  
 obstructis.

### In venenatam & Arcanam Qualitatem.

O utinam quoniam jam de expultrice veneni  
 Scribitur, & vires ut *Mithridatis* erant !  
 Toxicæ cui toties victum gustata dedere,  
 Grataq; mandenti *Pharmaca* cœna fuit;  
*Rippingo*, aut saltem *Walwyno* affine Palatum,  
 Cui dederit modicas vilis *Arachna* dapes.

G

Corpus



Corpus Alexandri aut Magni, hinc cognomine digni,  
 Quod benè spirantem fecit Aroma cutem.  
 Vel mihi saltem Artes, *Empericus* unde Joannes  
 Aleâ at exceptâ, per fora lucra capit.  
 Sed mihi non animus, non saltem Robora tanta,  
 Nec, quo conductus sit mihi Capo, Domi est.  
 Nec domus ulla, nisi quod jam tegit omnia, cœlum,  
 Cong; --- Tubernales Sydera grata placent.  
 Legerit at si quis Latii Civilia bella  
 Pugnata, & fausto Cæsare scripta, Duce,  
 O utinam possim vel tantum dicere Legi,  
 Talibus auspiciis sive legenda fore !  
 Vincere scire docet *Generi* fortuna Beati,  
 A *Socero* possis discere rite Pati :  
*Lucanus* posuit nobis *Pharsalica* castra,  
 Et quibus haud favit, Cæsaris acta canit.  
 Sic vestros Hortos supplet, *Danbee*, *Gerardus*,  
*Barker*q; meo est *Corneburien*se nemus.  
 Litera proq; meis Divina *Philippica* \* Libris,  
 Quam mecum semper gesto, ubicunq; via est.  
 Consiliumq; sequor vestrum, *Celeberrime Bati*,  
*Harveidis*q; , cui nomina \* castra sonant.  
 Et mihi post nullos, *Stephane*, extollende sodales,  
 (Qui plus quàm medicas auxiliare manus)  
 Egrediè *Boughton* places, & nomina chara  
*Stanlei*, *Coxi*, *Delicæ*q; ture;  
 \* Eques *Aura-* *Cambria*, *Lewellianus* utroq; in *Apolline* præstans,  
*tus* & Dr. Med. *Jackson*q; , & nunc *Oxonien*se decus :  
 \* Eques *Aurat.* Ordo pedes nostros etiam decorabit *Equestris*,  
 & Dr. Med. *Napperus* \* medicam comprobat ipse chelyn.  
 Scil. à quo in *Et Baptisti*olam *Mauritius* \* optimus ornat,  
*Comœdia* *Collegam*q; suum, *Comedicum*q; probat.  
*Faceliam* Amo- *Et Dominum*, *Dominam*q; \* meam, te *Brokie*, jasto,  
*res meos egre-* *Bathurst*q; , *duos*, *Fruian*q; , \* *duos*,  
*gie egerit.* *Et Lydellus* adest, *Conyerus*, sic *Elyotus*,  
 \* Contumax *Et Northamptonia* fortè *Levinus* agro.  
*Syllaba* cur *Et tu qui Hippocratem* calles, *Metford*, per unguem,  
*repugnas !* *Græari*q; , doces rura, nemusq; rude.  
*Martial.* in ep.

*Maplet*q;



*Mapletiq;* mei gratus favor excitat, urget,  
*Brewerusq;* salus corporis atq; , animæ;  
 Atq; Otomanorum te *Edvardum* veste saluto,  
 Purpurâ & Oxoniæ *Tearnus* honorus adest.  
 Non satis hi dices, librorum? plus satis, ohe!  
*Bodleiana* vale, hi *Bibliotheca* mea.  
 Sed quoniam restat doctus *Barlous Amicus*  
 Non dico longum *Bibliotheca* vale.  
 Copia Librorum dum detur, sufficit unus,  
*Autoremq;* sequi, verbaq; iussa placet.

Explorare licet num fracta venena venenis,  
 Frigida an expellant Fervidiora loco.  
 Castella ut Cordis sint Munitissima, primò  
 Prospice, *Coralium* quod bene præstat opus.  
*Terra Sigillata* est, non quæ damnata, probanda,  
 Sed quæ *Lemniacis* effodienda cavis.  
*Tormentilla* gravis tantum Cognomine, Quinq;  
 Et *Radix* Folii, *Armeniusq;* bolus;  
 Cum virtus insit tum Frigida siccaq; dictis,  
 Alstringunt, Firmant corda, venena domant.  
 Frigida succedunt mage jam subtilia, succus  
 Limonii, & quo *Alpes* Ruperit *Annibale*.  
 Et quodcunq; acidum, sic *Sulphure* spiritus ortus,  
 Et de *vitriolo* vis generosa cito.

*Virtutis* Calidæ, vincenda velut *Face Fax* est,  
 Proxima, per poros toxica missa fugant.  
 Pugnantî Cordi sunt hæc *Prætoria*, vitæ  
 Præsidium, & *Physeus* *Cæsariana* cohors:  
 In medias acies si erumpat acerbior hostis,  
 Milite ad extremam hōc cogitur ire cutem.  
 Ut spes ægrotis de morbo certa triumphî,  
*Angelica* auspiciis Prima præire cupit.  
 Proxima Pila tenet, Quid enim felicius illo?  
*Carduus*, Agnomen cum *Benedictus* erit:



\* Zedoaria.

Tum venit Radix \* ultra Garamantas & Indos,  
*Sinensi* longè nave petita solo.

*Scordium* & ex undis, *Pratis ulmaria* lecta;

*Distamnium* à Creta monte Salubre fatum.

Virtutis raræ; propriæ quam ignare salus,

Prætuleris Cornu Sæucie *Cervæ* Tuo:

Fortis & in Tabem *Scabiosa*, nec Auspice verbo,

Theriaca.

Versaq; in Auxilium *Supra* dira tuum.

Experti Regis *Mithridatica* Pharmaca tentes,

Heu tibi si non Rex, *Angelica* atq; juvent:

Deniq; *Specificâ* quæ vi sunt prædita, dicam,

Quæ non temperis antea dicta viget:

Indita sed virtus, qualis *Magnete* videnda,

Quæ sibi ferra trahit, nescia at unde trahit:

Ignari gestant *medicinalia Cornua Cervi*,

Nec propter carnem, & fercula sola Placent.

Dentibus utque *Elephas*, *Preciosis* naribus *Alter*,

Dives in exitium, *Rhinocerosq;* perit.

*Bezoar* atque lapis, communia *Toxica* pellit,

*Deucalionis* homo vilior estq; lapis.

Hæc sed non omni, non profunt omnibus usa,

Personæ ratio, Tempori habenda simul.

Frigida naturâ; quæ sicca, volatile quodq;

Morbi incremento, *Principioq;* bona.

Quæ caluere magis peragunt sudoribus & rem,

Conveniunt, Febris quando videtur *Apex*.

Cum duo deposcant operam, *Febrisq;*, *venenumq;*

Attentis oculis *Cautus* utrumq; notes.

*Febre Valente Acidis* melius pugnatur in illam,

*Argentescq;* herba tam placuere magis.

Tunc *Sudorificas*, calidasq; remitte medelas,

Donec vis morbi constitit esse minor.

Cum virtus (virtus si sit dicenda) maligna

Plurima, *Pestis* fugis abstinuisse malum est:

\*Lapide Bezo-De \* *Lapide hoc medico*, quot sunt miracula dicta?  
 ardico. Non laudes plures *Grandis Elixir* habet.

Sed

Sed fato meliore parant hanc Pharmacopolæ  
 Quam chymicum Inventum, nemo fit inde miser.  
 Ditescunt granis vendaces pluribus emptis,  
*Indis* quando ipsis *rara* avis *iste lapis*.

Contigit è contra, *Malagâ* qui vina Reportant,  
 Queis mercatores sæpe onerâre ratem;

\* Cæcubi at illustris cum Merces *rara* videtur,

\* Præter opima nihil, vendere caupo potest.

Si cupias gustare cadis de mille receptis,

Amphora non *Malagæ*, non datur una tibi.

Nescio *Castorea* an data Prodigiosa Facultas,

Reliquiis Romæ ut contigit esse sacris.

*Baptista* Capiti ut, sic & de *veste Josephi*,

De *Leprâ mi-â*, *Claviculisq; crucis*.

Posse Augere datur, Templis multisq; videri,

\* *Pariac* in æternum Congenerare sibi.

Talia si possint fieri miracula, mirum est

*Hereticis* Testes multiplicare \* *fera*.

*Catholico* Captus si *Castor* Pharmacopolâ,

*Testiculis* detur forte redire *tribus*.

Credibile est potius, nam longum ludere nolo,

De *Contrayernâ* vendita mixta juvant.

Radix, quæ propriâ virtute venena fugabit,

Quam *Castor* solers Pabula grata facit.

Testibus Attrahitur *Bruti*, vis indita *Planta*;

Quanta sit, Orbiculis vis bene nota Tuis?

*Castor-contrayernæ*? quidni mi Pharmacopola?

De *Polluce* quidem *Castora* fecit *Annus*.

\* Scil. vini

Hispanici.

\* Canary.

\* Castoris

nempe.

Mart. epigr. de  
 Gabinia.

### De variolis & Morbillis.

Quæ nova scribenti succedunt monstra Poetæ?

*Africa* in *Albionem* Transfuga, fertne feras?

An *Metamorphosin* paritur Gens *Anglica* foedam!

An veteres *Pictos* jam Rediisse liquet?

Vix Faciem video, quin *Fama* Creditur esse,

Aut *Luna*, maculis perditæ *Amore* malis.

\* Sc. Endymion.

Vel



Vel Panthera suos de pelle exuta colores,  
 Vultibus humanis transtulit orba notas?  
 Emptarum an non jam macularum vana Libido,  
 Stigma hoc & in pœnas Lynx muliebris habet?  
 At Dominæ quæso ne formidate Tenellæ;  
 (Quantumvis Formæ convenit iste metus)  
 Est nil quàm læsos non condonabile vultus,  
 Spretaq; vel facies nil vanaiale minus.  
 Id facit, ut speculum miseræ frangatis iniquum,  
 Hoc Dominam iratam Franget, itemq; Reum:  
 Non à Syderibus vultûs deformia fictis  
 Signa hæc procedunt, est aliunde malum:  
 Credetis Dominæ? vos *intus* & in cute Fertis,  
 Quod solet externam commaculare cutem.  
 Quodq; utero toties gestatis, Fronte Timetis,  
 Hæc sunt \* *Arcana* Publica signa Domus:  
 Pignoribus charis, quibus ubera grata tulistis,  
 Quamquàm ignota, tamen vulnera prima datis.  
 Partibus haud aufert Labem *Lucina* secunda,  
 Sanguine quæ infantem, non lavat hac maculâ.  
 Quod licet à lumbis generetur Patris iniqui,  
 Sanguinis hoc vitium Progenetricis erit.  
 Libera non *Helena* est, non est *Lucretia* Pura,  
 Tantum *una* his maculis immaculata fuit.  
 Ergo Progeniem cœlo cognoscite *Patre*,  
 Nec sine prodigio *Virgine* *Matre* satam.  
 Partibus omnigenis suut incunabula fœda;  
 Hæc labes vitæ *prodroma* certa mea;  
 Vel Defæcatam maculant *Contagia* matrem,  
 Ut gravida, infanti sic gravis ipsa suo est.  
 Nutrimenta ferunt hunc secum *mors* *Quæna* morbum,  
 Crescit & adnato Corpore cæca lues.  
 Nec *Genitor* ferit hunc morbum, qui semina spargit,  
 Quæ duraturum, si vitiosa, ferunt:  
 Longos inq; dies remanent *ex* *Traduce* Morbi,  
 Peccatum veluti Progenitale fuit.  
*Natorum* natis, & qui nascuntur ab illis  
 Deductum est *veneris* Crimen in omne genus.

Manet alta &  
Virg.

Uteri & San-  
guinis menstrui.

Id est infimi.

Virg. Maria.

Ut *rata* & immeritis cedunt *Patrimonia* natis,  
 Quis Parres lethum, dando dedere bona.  
 Non tantæ noxæ est materno è Sanguine morbus  
 Niq; superveniant fata Maligna, Favens.  
 Auraq; *Specifico* quoties induta veneno,  
 Attollit morbum, variolasq; gravat.  
 Sunt, quibus est *cælum* tanto candore *benignum*,  
 Purgat inhaerentem, nec finit ire luem.  
 Pustula sed quoties corrupto fonte scaturit,  
 Tam levis, ut facies spreta, nec icta dolet.  
*Felices* Indi, *occiduis* quibus *Hospita Titan*,  
 Grataq; lethalem non feret Aura luem.  
 Sed vitâ meliore frui dat morbus *Amicus*,  
 Ejecto *ingenito* leniter *hoste* foras.  
 Donec ad *Hispanos* ditio *translata* *Monarchas*  
 A *Mauro* didicit sæva necare lues.  
 Obrigit *Aethiopi* postquam uni *noxæ maligna*,  
 Occiduos perimit tum *Spoliata* lues.  
 Et dubium, *indigenis* magis exitiosa subactis,  
*Auri vena sacra*, an *Sanguinis* utra fuit?

De Causis Variolarum & Morbillorum.

Sensus utriq; patet cum nomine, & inde vocantur  
*Variola*, à vario ritè colore cutis.  
 Tabera cū n faciunt salebrosam turgida vultum,  
 (Nullus at in facie *nodus Amoris* inest.)  
*Morbillis* *Etymori* nec duritus accidit ipsis,  
 Vel quòd parvi ipsi vel Puerile malum.  
 Et licet exigui ast insunt contagia parvis.  
 Inficit & grandes noxa Pusilla viros  
 Namq; idem Pueris corruptus Fons, & adultis,  
 Et citò cognatam Pustula lædit ovem.  
*Mensibus* evenit, quo Tempore clauditur Alvo,  
 Qui solet excerni stagnat inersq; cruor.  
 Matre etenim gravida, *purgamen* quod fuit ante,  
 Fit demum infanti, non sine labe, *cibus*:

Quid



Quid Sperare licet? cum pabula sumpta venenum,  
 Et liquidum infantis *Fascia* virus erit?  
*Objicis*, unde igitur *Mater* secunda maneret?  
 Toxica gestaret nonne nociva sibi?  
*Obstructa* est aliud, quam mox *sensina* reclusa,  
 Hinc *via lata* datur *Faci*bus, inde *at obex*:  
*Profluvium* prodest, *Matri*s confertq; saluti,  
 Polluit Infantem, quæ modò facta *Palus*;  
 Morbos Inquiris, cur non patiamur *ab ortu*?  
 Nec *Panthera* ita im nascitur, atq; *Puer*?  
 Non utero, non morbus inest, sed semina morbi,  
 Quæ successivo tempore fructus erunt.  
 Non instante *Color* minimis vel frugibus adsit,  
 Sed *suus* & *solis* perficit ista *Calor*.  
 Sic sparsum primò latet inter membra venenum,  
 Non se augere *capax*, nec viget usq; malum.  
 Ast ubi convaluit, viresq; acquirit, & ardet,  
*Natura* pugna dignior hostis erit.  
 Tunc bellum parat, & se conspirantibus affert,  
 Vexillo & *Febris* versicolore furit.  
 Quando novum infusum est in Mucida vasa *Falernum*,  
 Attrahit ascitam nobilis *Uva* luem.  
 Tunc meminisse sui *Patris* *Euchius* incipit, & se  
 Cortumpi ostendit, nec potuisse mori.  
 Exerit innatas vires, exæstuat irâ,  
 Nec mora, *Fæx* spumâ pulsa superna natat.  
 Non aliter *Natura* suum detruserit hostem,  
 Devictiq; locat *Transfuga* signa cute.  
 Non eadem tamen est *Depulsi* Forma veneni,  
*Diverse*, ut varia & *Tela*, Fuere nota.  
 Sanguine pugnatur cum crasso, campus abundat,  
 Variolis, opus & *Pustula* grandis agit.  
 Sed cum subtilis, *seroq;* similimus obstat,  
*Morbillos* tantùm *Præda* pusilla dabit.  
 Non quia vi Alterutrum caret, est minor ira, malignâ,  
 Paria sed non sunt *Arma*, eademq; manus.  
 Matereis odiis minor, ac cum *fœmina* pugnat,  
 Et *Faciem*, tamen haud *ense*, sed *angue* ferit.

Humida crassities alit *Exanthemata*, nævos  
 Sed non optandos languidus humor alit.  
 Quando res intus agitur, civilia bella,  
 Et cum *Naturâ*, & *Sanguine* pugna mala est,  
 Ut *Mare* per motum vesicis mille scaturit,  
 Atqui ex allisis æstibus orta *Venus*,  
 Sic Rubrumq; , jecur, mare bullit, & ejicit à se  
 Sentinam, expurgat Colluviemq; suam.  
 Cedentemq; urget, cogitq; è sedibus ire,  
 Lite tamen nostra est heu spoliata \* *venus*,  
 Sanguine perdomito impuro victoria lata est,  
 Et *medici* est instar *Pustula* grata suis.  
 Si modo frangantur vires, Hostisq; superfit,  
 Ejiciendus adhuc, bella iteranda nova:  
 Auxiliis opus est, cingatur ut Integra laurus,  
 Quod fit perfectâ *Deditione Luis*.

\* Facies.

## Signa variolarum &amp; Morbillorum.

Civili in statu prædoctus quilibet, ipsas  
*Annibale* ad portas belligerante, sapit.  
 Presentem narrant visa *Exanthemata* Febrem,  
*Tyndaris* & maculas astupet ipsa suas.  
 Se plane ægrotare satis sciat, imminet at cùm  
 Sive secururum prodroma signa loqui:  
 Judicis hoc medici est; qui quid peccatur in Aurâ,  
 Diceret, irato seu *Jove* morbus Adest:  
 Seu faciunt *Elementa* luem, quæ conscia statûs,  
 Mox infecturos inficiantne magis?  
*Tempora* nam quædam nostris *affinia* morbis,  
 Qualia contigerint Nupera, causa luis.  
 Æstate in mediâ Frigus, Brumâ redit Æstas,  
*Vertumnus* verum *devius Annus* Agit.  
 Hinc nuper talis nobis *Epidemica Febris*,  
 Cui nullum Medicâ nomen ab Arte venit.  
 Retrò quæ nunquam viderunt sæcula, nunquam  
 Aspicient tales, spero, futura vices.

H

Sed



Sed quia lethalis multis tamen accidit, unde  
 Venturi est, vereor, prodroma causa mali.  
 Nuntia variolas toties comitata frequentes,  
 Morborum Dominam non procul esse probat;  
 Præterea spondent *Brumalia* fulmina nuper,  
 (Ni *lavum* nobis *intonuere*) malum.  
 Cum *Jovis* accensi toties præiere ministri,  
 Credibile est *lanam* diripuisse *pede*.

*Tempora* in his morbis grandi & *Frontalia* pulsa  
 Urgentur, solito plus dolet atq; caput.  
*Torpor* adest, somnosq; graves *insomnia* terrent,  
 Et *Tremor*, & *pungi* se putat ager *acu*,  
 Perq; *dolor* *dorsum* fertur, *Rubor* inde *Calorq;*  
 Et contracta malo *Spasmate* membra dolent.  
 Si *Facies* inflata *Tumet*, suffusa *Rubore*,  
*Pruritusq;* sedet lumine utroq; *levis*.  
 Maxima, Sanguinis *Ebullitio*, causa doloris,  
 Emissusq; velut per freta *Rubra* vapor.  
 Occupat aut *Morbus* partes, & triste venenum  
 Spargitur, *inversa* est *Morus* ut *Arbor*, *Homo*.

### *Signa falicia.*

Ast egressa cito sunt *Exanthemata* fausta,  
 Cum matura juvant, præcoqua sæpe nocent.  
 Præsertim si *Febre* *levi*, subitoq; abeunte  
 Sive parum fractâ, *Pustula* fæda venit.  
 Si spirare licet, nec voces faucibus hærent,  
*Rubro*, *mox* albo suntq; colore notæ.  
 Non sic in Reliquis est grata *Rotunda Figura*,  
 Elatusq; *levis* *Cuspis*, *Omen*, *Apex*.  
 Si contenta cutem maculant *Ecthemata* tantum,  
 Fructibus & fædis interiora carent.  
 Prospera sperari poterant, res salva, licebit  
*Saltet*, non extra limina sueta *Puer*  
 Perdidit innumeros novus, & præposterus ær,  
 Et mutata agris *linthea* sæpe nocent.



## Signa Inauspicata.

*Febre* auctâ verò post *Exanthemata* pulsa,  
 Significat venis plura venena sita.  
 Concomitata notas etiam *Dyspnea* Patentes,  
*Pulmoni* satis hoc consulit esse malè,  
*Anginamq;* sequi, aut præcludi guttura morbo,  
 Aut vires lapsas succubuisse lui.  
 Sed si naturam contra dissolvitur *Alvus*,  
 Variolis visis, Fata propinqua time.  
 Nec lethale minus portendunt *mita cruore*,  
 Gingivis, aut si Naribus ista Fluant:  
 Hæc *Acri* venas monstrant bullire *veneno*,  
 Et vires pressæ se exonerare velint.  
 Pustula cunctando perdit, victrixq; triumphat,  
 Cum rarò & tardas exerit ipsa notas:  
 Materiam superare tuos, *Natura*, labores  
 Indicat, & nixu cedere nolle Tuo.  
 At maculose Puer, *multum tu Crede Colori*,  
 Pustululis dictis multa adhibenda fides.  
 Livida, seu viridis, seu quâ nota nigra videtur,  
 Contigit utq; *Fabis* sic, Tibi *prava Faba est*.  
 Si se *subducant* visa *Exanthemata*, lictâ  
 Et *retrocedunt* exteriore cute,  
*Præpare* ac maculas si Pustula jungit *Achatem*,  
*Urina* in fundo *livida* *sexve* manet,  
*Atrum* sive *Canem* fugito (si tum fugiendus)  
 A sperius Dominâ, credite, Bile. nihil,  
 Tum magnum spargi satis est per membra venenam,  
 Et vix infecto sufficit una lues.  
 Devovet ipse *Artes* morbo superatus *Apollo*,  
*Pandoraq;* ægrum, *Mercurioq;* dedit.



## Remedia.

Omne malum nobis peccante humore venire  
 Constat, qui errores corrigit, unde Datur?  
 O utinam affectos frugalis Lescia Conjux,  
 Tentaret modiei vel Documenta cibi!  
 Proh mutata, fidem! quoties jentacula morbum  
 Plenior & victus fata dedere cita!  
 Ne *vocalis* erit, facit *Indulgentia matris*,  
 Ut *Butyrato* sapius ore perit.  
 Nam si non nimia fauces præcluserit ipsi  
 Artochreâ, puero, nec mora morbus adest.  
 At tandem sapiat, simiosq; exosa favores,  
 Dediscat nimio mater Amare suos.  
 Vel saltem morbo hoc monita indulgere cavebit  
 Quem dederat lucem, & lumina ante data.

\* Scil. Lact.  
 venere multa  
 inquinari.

Dicta *Diata* juvat, quæ Febri est utilis omni,  
*Nutrici* an potius *Regula* scripta foret?  
*Huic* duo præscribo, ne sit *via Lactea* Baccho  
 Fervida, nec Capram *Cypride*\* olere finant.  
 Proxima cura agris, *Calcantq;* Cubilia vellem,  
 Ut poris laxis halitet inde malum.  
 Atq; amandetur *Cameris Subfrigidus aer*,  
 Atra *repercussâ* mors aditura lue est.  
 Non *nimia vestes*, ne Corpora Febre calescant,  
 Nec *minima*, denset ne Aura inimica cutem.  
 Sic *pannisq;* tegi *Rubris* prodesse probatum,  
 Fertur Pisciculo, sic voluisse capi;  
 Commendatur *ovis* quoq; custodita cubili,  
*Virus ut attretet*, ne meus esto cibus:  
 Quid ni conditus *cepis* prodesset *ovillus*  
*Armus*! vel *grege* plus attrahit istud olus?  
 Atq; *Insolatis Ficis* sint Hordea cocta,  
 Sed *cornu cervi*, si fera febris adest.



\* Carica vi felix duplice, expultrice veneni,  
*Primo homini vestis* fit, reliquisq; salus.

Nam morbum petere *ipsa* cutem facit, attamen omnis  
 Non bonus est \* *ficus*, Ficus at una bona.

Cum maculae emergunt, potior *vigilantia* somno,  
*Par Argo facies*, par vigilando foret.

\* Genus *ficus*.

\* Ficus pro  
 morbo.

*Sanguinis*, haud aliter, nisi *Copia* larga supersit,  
*Per viresq; licet vena secanda* Tibi,

Ante fit à maculis Eruptio, sit celebranda,  
 At non si febris sponte minuta fuit.

Variolis ruptis, si non *Symptoma* sequatur,  
*Naturæ* possis parcere ferre manum.

*Naturâ* medicus non *ipsâ* Tutior ullus,  
 Sufficiens in se, si viget, omne ad opus.

Sed cum pestiferis oneratur noxa venenis,  
*Eclipsin Passæ Tympana* grata \* *Deæ*:

*Tundere fas venam*, cum *loria Rubra* videntur,  
 Dirum portendunt, *Phlebotomia bona est*:

Ast omnis non ferre potest, nec sustinet ætas,  
*Sævus in Infantem* ne vocitare Pater;

*Herodes* noli, noli *Saturnus* haberi,  
*Dente alter* natos, Ense sed ille ferit

Porcellis in Febre sua prior ille pepercit,

An magis est Gallo Lenis Apella Pater?

*Nefrendemve* ferire nefas Porrigine Putrem?  
 Infantem & simili fasne ferire *luc*?

Ast hæc Parisiis Doctoribus ampla medela,

Sed *Consanguineis Gallia* sæva suis.

*Angligene Matres* non concessere maritis  
 Tale quid audendi; *Zippora* tela negat.

Si quartus, quintusve placet, permittitur, annus,

Antè, locum teneat *Scarificata Cutis*.

Quantos clamores impacta *Cucurbita* tollit!

Dicitur elumbis vase adeunte Puer.

Viso scalpello, conspecto mater & Igne

Occidit, at puero iù n bene pergir opus.

\* Scil. Lunæ  
 patienti Cory-  
 bantes in auxi-  
 lium æra sona-  
 bant.

\* Ut Gallicis  
 medicis mos est  
 in tenellula  
 ætate venam  
 secare.



## De Catharticorum Remediorum usu in var.olis.

Dū n valet expultrix naturæ firma Facultas,  
 Ad *centrum* Febrem non revocare bonum est:  
 Cuncta cutem versus, vestigia nulla retrorsum  
 Tendant, *Postica* lædit Aperta via.  
*Evacuare valens* debes, non Febre valente,  
 Purgamen morbo ritè præire solet;  
 Sic expurgatis prius istis focibus, Ipsa  
 Natura intendit sana potenter opus:  
 Si sic instituas, cape tunc medicamina blanda,  
 Sintq; Tamarindus, Cassia, Manna, Rosæ.  
 Decursu morbi si pigrior astupet Alyus,  
 Vel lacte ad motum sollicitare potes,  
 Absq; salis facient mixturâ melq; Butyrumq;  
 Et passis uvis Hordea Cocta levant.  
 Deniq; morbillis eadem Ratioq;, Medela &  
 Avertat *Deus* hos, & magis, atq; minus.

---

**F I N I S.**







